



漢書地理志補注卷七十二

常熟 吳卓信 編纂

右北平郡秦置

水經注鮑邱水東逕——故城南魏土地記曰薊城

東北三百里有——秦始皇二十二年滅燕所置

括地志漁陽縣東南七十里有北平城倚燕山為板築漢

——治平剛或以為即此城也 史記正義幽州漁

陽縣東南七十七里北平城即漢——也 方輿紀

要——秦郡漢初屬燕後復為郡今永平府西至薊

州又北至廢大寧衛之西南境 地理志稽疑——故

秦郡楚漢之際屬燕國秦分為遼東國六月復故高帝六

年屬漢仍屬燕國景帝後以邊郡收 按漢———今  
直隸順天府之薊州永平府之灤州遵化州之豐潤暨口  
外大寧故衛界皆其地

莽曰北順屬幽州縣十六

平剛無終石成廷陵俊靡賚徐無字土垠白狼夕陽昌城  
驪成廣成聚陽平明

平剛

水經注自盧龍塞東越青陘至凡城二百許里自凡城東  
北出趣———故城可百八十里向黃龍城則五百里 方  
輿紀要漢右北平郡治———縣在今薊州北境 又云——  
一城在營州故城西南五百里漢縣為右北平郡治後漢

移治土垠縣遂廢

無終故無終子國

左傳襄四年———子嘉文使孟樂如晉杜注———山戎國  
名 史記項羽本紀徙燕王韓廣為遼東王都———臧荼  
擊殺廣———并王其地 韋昭國語解———山戎之國今  
為縣在右北平 水經注灤水又西南逕———山藍水注  
之水出北山東屈而南縣迂———縣故城東魏上地記口  
右北平城西北一百三十里有———城 後書吳漢傳注  
———本山戎國也———山名因為國號漢為縣名屬右北  
平故城在今幽州漁陽縣 耶蔚之隋圖經———山一名  
步陰山又名翁同山 寰宇記———山又名陰山在源陽

縣西北四里 寰宇通志——山在順天府玉田縣東北  
乃古——國漢陽府種玉處 京東考古錄今之玉田漢  
——縣也左傳襄四年——子使孟樂如晉昭元年晉中  
行穆子敗——及羣狄于太原漢書樊噲傳擊破陳豨得  
綦毋卬尹潘軍于——廣昌則去玉田千有餘里豈——  
之國先在雲中代郡之境而後遷于右北平歟 又云漢  
書徐樂傳燕郡——人地理志無燕郡而——屬右北平  
考燕王定國曰元朔二年秋有罪自殺國除而元狩六年  
夏四月始立王子旦爲燕王其間爲燕郡者十年而志軼  
之也徐樂上書當在此時而——于其時屬燕後改屬右  
北平耳 大清一統志——故城卽今順天府薊州治舊  
志皆以今玉田縣爲古——考玉田乃唐初析置之——  
非漢縣也翁同山在今薊州北古——山  
溲水西至雍奴

屬漁陽郡

入海

師古曰溲音庚卽下所云入庚者同一水也 水經注庚  
水出右北平徐無縣北塞中南流歷徐無山又東流逕徐  
無縣故城東又南流入鮑邱水世謂之柘水 大清一統  
志沽河源出遵化州東界曰梨河西南流經州南又西經  
薊州南爲治河折而南又洶河會曰潮河卽古庚水也  
又云梨河在遵化州南十里源出遷安縣界蘆兒嶺經州

界西南流七十里與諸水合名曰合河一名張子河入冀  
州名沽河卽薊州運河之上流也 又云舊志以遵化州  
玉田縣之還鄉河爲庚水沽河爲涇水今以水經注書之  
沽河卽庚水還鄉河乃巨梁水遵化州西之沙河蓋涇水  
也

過郡二行六百五十里

過右北平涇陽二郡

石成

水經注石成川水出西南石城山東流逕石城縣故城南  
北屈逕白鹿山西卽白狼山也 續通典漢石城舊縣取  
碣石立如城以名之 京東考古錄漢右北平郡有

縣後漢無之蓋光武所省并也至燕分置石城郡考之通  
鑑又書以記得二事慕容寶宿廣都黃榆容清河王會勒  
兵攻寶寶帥輕騎馳二百里晡時至龍城會遣騎追至石  
城不及是廣都去龍城二百里而石城在其中間也慕容  
熙敗于北原石城今高和與尙方兵于後作亂注云高和  
本爲石城今時以大喪會于龍城是石去龍城不遠也魏  
書地形志廣興縣下云有鷄鳴山石城大柳城此卽漢之  
石城矣 方輿紀要石城故城在營州故城西南百餘里  
大清一統志漢一一縣在今口外大寧故衛界至灤州  
西南之一一故城乃遼時改置非漢縣也

廷陵莽曰鋪武

俊靡

說文作浚靡 後書耿弇傳注——縣故城在今漁陽縣北  
北靡音麻 方輿紀要——廢縣在今薊州豐潤縣北  
大清一統志——故城在今遵化州西北

灋水南至無終

屬本郡

東入庚

說文灋水出右北平浚靡東南入庚从水壘聲 水經注  
灋水出右北平——縣東南流世謂之車畚水又東南流  
與溫泉水合魏土地記曰徐無城東有溫湯卽此也又東  
南逕石門峽又西南逕無終山藍水注之又西南入于庚

水世亦謂之柘水庚水又南逕北平城西南而入鮑邱水

又東巨梁水注之 師古曰灋音力水反又音卽賄反

集韻灋水名在北平或省作灋 大清一統志沙河在今

遵化州西源出州北凡分十派與湯泉合卽古灋水也舊

志以沽河爲灋水非是 又云沙河源出遵化州北馬蹄

峪南流至州城東折而西經南關又西會諸水入水門口

歸梨河舊志以爲卽古灋水據水經注灋水出——縣東

南流考——故城在今州治之西北今沙河與溫泉本滙

流入梨河石門峽亦疑卽今之水門口其說似皆可據惟

沙河大勢南西南行與酈注東南流之說不正相合存以

備考 程瑤田通菽錄今灋水自遵化州西北四十五里

鮎魚石關外入口東經溫泉卽酈注所謂興溫泉水合也  
又東迤南十五里曰水門口卽酈注所謂石門峽也又西  
南入梨河梨河卽東水也庚水旣得灑水又稍西而淋河  
南入之淋河卽酈注所謂藍水也鮑邱水今之潮河也潮  
河合洵水庚水東流有還鄉河西南入之卽酈注所謂巨  
梁水也流俗多誤以古正之如此灑梨一聲之轉灑水浴  
呼梨河因使所入之庚水冒稱梨河而巨梁水冒稱庚水  
皆誤之甚者也 按庚水卽無終之溲水也

莽曰俊麻

賈

師古曰音才私反

都尉治莽曰哀睦

徐無

水經注庚水又東逕——縣故城東魏土地記曰右北平

城東北一百一十里有——城 寰宇通志——山在順

天府玉田縣後開山圖云山出不灰之木生火之石 方

輿紀要——城在今薊州玉田縣東 大清一統志——

故城在今遵化州玉田縣東北二十里 按三國志魏武

烏九令田疇爲鄉導上——山墾山墾谷五百餘里是縣

以山氏也 又按唐薦福寺思恒律師碑並從草作菘蕪

莽曰北順亭

字

新校地理志一縣疑卽子谷口也古子字聲同通用通稱  
在今山海關西北邊城外

榆水出東

方輿紀要榆水在城子谷今日榆河亦曰右河 水道提  
綱右河卽古榆河源出北邊城外兩水一東北自城子谷  
口西南流入一西北自義苑口東南流入至築造營之南  
石門寨之東北合而東南經山海衛城之西南入海

上垠

水經注巨梁水出一縣北陳富山西逕一一縣故城西  
亂流入鮑邱水 師古曰垠音銀 後書耿弇傳注一一  
故城在今平州西南 遼史國語解萬役陷河冶地名本

漢一一縣有銀礦太祖募民立寨以專採煉故名昭河冶  
方輿紀要一一廢縣在今薊州豐潤縣西北六十里 大  
清一統志一一故城在今遵化州豐潤縣東縣志云在縣  
東十里南關城卽漢時一一故城也若密雲之一一城  
乃後魏時所僑置矣 又云漢一一縣在今遵化州豐潤  
縣陳宮觀鷄二山亦在其境密雲之一一乃後魏時僑置  
後又誤以爲卽漢縣因指無名之山而謂之陳宮觀鷄非  
故蹟也

白狼

水經注石城川水出廣城縣西南石城山東流逕石城縣  
故城南北屈逕白鹿山西卽一一山也 又云白狼水北



逕——縣故城東方城川水注之 師古曰有——山故  
 以名縣 魏書地形志漢都縣有——山——水 元混  
 一方輿勝覽蓋州本唐地後屬契丹有——山 靈冀九  
 邊圖考——山在喜峰口東北東有文鹽場北有和衆故  
 縣地又東為興中府富庶縣地 方輿紀要——城在營  
 州故城西南漢縣後漢省——山亦在西南 大清一統  
 志——山在今喀喇沁界故大寧城東南遼金元和衆在  
 此山九興中府故城即漢時柳城縣今為土默時右翼西  
 古小板蘇巴爾漢城曹操登——以望柳城則必山勢高  
 浚斯可俯覽二百里之遙今喀喇沁左翼東三十里有白  
 鹿山蒙古名布虎國似為近之

莽曰伏狄

夕陽

大清一統志——故城在今永平府灤州西南後燕慕容  
 寶封高雲為——公即此

有鐵官

唐書地理志馬城東北有于金冶 名勝志唐時馬城有  
 于金冶元因立治于灤陽自松亭外有鐵漿館及打造部  
 落按于金冶及馬城廢縣並在灤州南二十里即漢——  
 縣鐵官也

莽曰夕陰

昌城

水經注自雍奴縣承鮑邱水東出謂之鹽關口世謂之新河矣新河又東北逕——縣故城北又東分爲二水界枝瀆東南入海 大清一統志——故城在今永平府灤州西南

莽曰淑武

驪成

名勝志撫寧縣在今永平府城東八十里本漢——縣

大清一統志按——古莫知所在明統志謂今撫寧縣本漢——縣地據漢志——屬右北平郡界不得越肥如而到此也

大揭石山在縣西南

師古曰揭音桀 詳下遼西郡繫縣

莽曰揭石

廣成

水經注白狼水出白狼縣東南逕——縣北流西北屈逕——縣故城南俗謂之廣都城 又云石城川水又東北入——縣東注白狼水

莽曰平虜

聚陽

莽曰篤睦

平明

莽曰平陽

漢書地理志補注卷七十三

遼西郡秦置

常熟 吳卓信 編纂

水經注秦始皇二十二年分燕置——後書安帝紀

注——故城在今平州東陽樂城是 寰宇通志——

故城在今永平府治東一里西漢為郡于此遺址尚存

方輿紀要——秦郡初屬燕後復為郡今永平府以北

至廢大寧衛又東至遼東之廣寧等衛境 又云——城

在今永平府治東杜佑謂盧龍縣西有——故城漢郡治

此後廢按盧龍為漢肥如縣地漢——治且慮後魏——

始治肥如此或是後魏治郡處也 地理志稽疑——

故秦郡楚漢之際屬燕國尋分屬遼東國六月復故高帝六年屬漢仍屬燕國景帝後以邊郡收按漢一一一今直隸永平府之盧龍遷安撫寧昌黎及灤州又盛京錦州府之錦縣暨喜峯口外土默特二旗界大寧故衛界皆其地

有小水四十八并行三千四十六里屬幽州縣十四

且慮海陽新安平柳城令支肥如賓從交黎陽樂孤蘇徒河文成臨渝秦

且慮

師古曰且音子余反慮音廬遼史地理志興中府闡山縣本漢一一縣方輿紀要漢遼西郡治一一縣在今永

平府東境又云遼山城在營州故城西卽漢一一縣地

有高廟莽曰鉏慮

海陽

水經注新河又東逕一一縣故城南魏土地記曰今支城南六十里有一一城者也唐書地理志平州馬城縣古

一一城也遼史地理志平州望都縣本漢一一縣金

史地理志平州海山縣本漢一一故城遼名望都名勝

志一一廢縣在今灤州城北二十里方輿紀要一一城

在今永平府灤州西南按本書功臣侯表高祖六年封

搖毋餘爲一一侯水經注以爲在遼西據本志遼西城有

一一然邊郡不以封國而搖無餘又係越將索隱以爲南

越縣者近似

龍鮮水東入封大水封大水緩虛水皆南入海

水經注濡水與新河故瀆合新河又東分爲二水新河自支渠東出合封大水謂之交流口水出新安平縣故城西又東南流龍鮮水注之水出縣西北世謂之馬頭水東流注封大水地理志曰龍鮮水東入封大水者也亂流南會新河南流入于海地理曰封大水于一縣南入海者也新河又東出一縣與緩虛水會水出新安平縣東北東南流逕令支城西與新河合南流入于海地理志曰緩虛水與封大水皆南入海者也 大清一統志按龍鮮水疑卽今陡河封大水疑卽今官渠河緩虛水疑卽今沙河並

在今灤州境 又云陡河在灤州西源出遷安縣館山亦名館水南流經羅家嶺偏山臨水院合黃花港又名牝牛河又西南會唐家河至州西八十里合板橋水又南經石城西爲石溜河又南經唐山橋名大河又南與帥家河會爲官渠河官渠河源出灤州西白雲山南之水峪曰帥家河西南流經開平城東又西南與陡河合爲官渠河又南經豐潤縣東南界又南復經州界入海沙河源出遷安縣西橫山之赤崖南流會血石嶺流出之石河流經沙河驛東又南經灤州西四十里合海子長灣及大小泊之水又南入豐潤縣界轉東南入海今下流已淤

有鹽官

本書王尊傳補遼西鹽官長 大清一統志今灤州及樂亭撫寧二縣並有鹽場

新安平

水經注封大水西南流逕——縣故城西遼西之屬縣

大清一統志漢——故城在今永平府灤州西

夷水東入塞外

按水經注無夷水

柳城

後書趙苞傳注——故城在今營州南 遼史地理志中

京輿中府本漢——縣地 京東考古錄魏武用田疇言

上徐無山塹山堙谷五百餘里經白檀厯平岡涉鮮卑庭

東至——徐無山在今玉田則——在玉田之東北數百

里也 大清一統志——縣卽後魏及唐之營州遼金之

輿中府在今口外錦州邊界 又云土默特二旗在今喜

峯口東北五百九十里本古孤竹國漢置——縣屬遼西

郡

馬首山在西南

按馬首山未詳

參柳水北入海

□效祖遼鎮志大凌河古名參柳水在今義州城西北源

出大寧環義州境抱城東流入海 皇朝通志大凌河卽

古參柳水源出柳邊外喀拉沁左翼境東北流經土默特

界入邊經義州城西至錦州府東南入海

西部都尉治

令支有孤竹城

逸周書王會解孤竹距虛不令支予獫狁孔晁注孤竹不令

支皆東北夷爾雅四荒觚竹郭璞注觚竹在北國語

齊桓公北伐山戎荆令支斬孤竹韋注二國山戎之與也

史記齊世家桓公曰寡人北伐山戎離支孤竹應劭

曰令音鈴一一故伯夷國今有孤竹城孟康曰支音祗

帝王世紀湯特封墨胎氏于孤竹後九葉孤竹君二子

伯夷叔齊以讓國去之水經注敖順二水並貝盧龍西

注濡水又東南流逕一一縣故城東又云予水西南逕

孤竹故城北城在山側肥如縣南十二里魏書地形志

肥如縣有一一城通典漢一一故城在今平州盧龍縣

東史記索隱離枝零支又作令祗又如字離支孤竹皆

古國名秦以離枝為縣故地志遼西一一縣有孤竹城

史記正義孤竹君是殷湯三月三日丙寅封相傳至夷齊

之父括地志孤竹故城在今平州盧龍縣南十二里殷

時諸侯孤竹國也寰宇記孤竹城在今平州盧龍縣東

卽伯夷叔齊之國遼史地理志平州安喜縣本漢一一

縣地金史地理志平州遷安縣本漢一一縣故城遼名

安喜寰宇通志孤竹三家在永平府城西北雙子山為

孤竹長君之冢團子山為孤竹次君之冢馬鞭山為孤竹

少君之冢孤竹故城在府城西十五里 方輿紀要——  
城在今永平府東北 大清一統志——故城在今永平  
府遷安縣西孤竹山在盧龍縣西孤竹國城在其陰

莽曰令氏亭

肥如

應劭曰晉滅肥肥子奔燕燕封子此也 水經注——縣

故肥子國有大沮水小沮水 通典今平州所理盧龍縣

漢——縣 大清一統志——故城在今永平府盧龍縣

北舊志云在縣西北三十里 按功臣侯表有——敬侯

蔡寅高祖六年封應劭曰遼西考漢人分王凡邊郡及巴

蜀險惡之地皆不以封蔡寅本遼西人因而封之觀其曾

孫尚爲——大夫可証

卒水東入濡水

水經注魏土地記曰——城西十里有濡水南流注孤竹

城西右合卒水謂之小濡水非也卒水出——縣東北卒

谿西南流逕其縣東俗又謂之肥如水西南流右會盧水

又西南逕孤竹城北西入濡水地理志曰卒水東入濡蓋

自東而注也 隋書地理志盧龍縣有卒水 大清一統

志白溝河源出陽山之陰繞盧龍縣城東北西流入青龍

河卽古之卒水也 又云今諸水皆無可考惟白溝河從

縣北入灤舊志詳考地理謂水經注卒水無疑府志稱爲

大沮水新志又以爲陽樂水皆非也



濡水南入海陽

師古曰濡音乃官反 集韻渙奴官切水名在遼西——

或作濡 水經注濡水從塞外來東南逕合支縣故城東

魏土地記曰肥如城西有濡水南流逕孤竹城西右合于

水又逕牧城南分爲二北水枝出世謂之小濡水又東南

至桑縣碣石山南入海 唐書地理志薊州東北渡灤河

有古盧龍鎮 遼史地理志中京澤州有灤河 元史河

渠志灤河源出金蓮川中由松亭北逕遷安東平州西瀕

灤州入海 李實奉使錄灤水闊不盈丈而中甚深土人

以河水青綠急流呼口商都兩岸柳條叢生秋時採爲箭

桿 米萬春薊門考灤河舊名曰商都源頭遠在西北地

白插漢根河向東南流來至近邊與流河白河暴河清河

合正貌河之水交會其勢始大 明統志灤河在雲州堡

北六口里發源炭山冰井亂泉合爲此河北流經古桓州

南下流入開平界 禹貢錐指濡水有二一音人朱切出

涿郡故安縣東南流至范陽縣合易水入河春秋昭公七

年齊燕盟于濡上卽此水一音乃官切讀若難從塞外來

東南流至桑縣碣石山入海卽今灤河也 大清一統志

灤河源出獨石口外流經承德州界會諸水入邊又東南

入永平府界經遷安縣西盧龍縣西又南逕灤州東樂亭

縣西又南入海卽古之濡水也海水青黑而灤河水清碧

入海五十里不濁亦曰綠洋溝土人又名口河 又云灤

河在承德府南源出獨石口外技廠界之巴顏屯圖古爾  
山西北流入多倫諾爾廳界共行四百餘里入豐寧縣屬  
察哈爾鑲黃旗境南流至僧機圖訊之東又東南流經正  
白旗境又東經鳳皇山小灤河自北來會始名灤河行豐  
寧縣境曲折四百十八里入灤平縣境與州河自西來會  
折而東流伊遜河與伊瑪圖河合流自北來會行灤平縣  
境二百十八里入府境東流至下營子熱河自東北來會  
南流經上板城前白河自西來會又老牛河自東北來會  
又東南流經下板城柳河車河自西來會又東南流至門  
子哨接平泉州境共行府境二百二十里沿平泉州之西  
會黃龍川清河豹河至潘家口入邊卽古濡水也有 御

製灤河濡水源考證指示精詳昭然若發矇矣 又云按  
今灤河卽古濡水漢書水經注皆作音乃官反自唐以來  
又變爲灤其音則同或謂郎古灤水者誤也又按上人呼  
上都河以元時上都石水北岸故名後又以音同訛爲商  
都河耳 又云按灤河自漢以前皆書爲濡顏師古漢書  
注音乃官反其音正相同也唐書地理志漁陽郡下有渡  
灤河之文濡字作灤當自唐始 皇朝通志灤河卽古濡  
水一名難河源出獨石口外東北一百餘里名都爾本諾  
爾西北流入多倫諾爾廳界又北經上都河屯名上都河  
又東南至大河口又南經雁北灘入承德府豐寧縣界又  
南經西屯庫有奇勒河亦名小灤河自北來會自此名灤

河至郭家屯入承德府本境東南經灤平縣界繞喀喇河屯

行官有伊遜河發源木蘭

圍場自北來會東南流經承德府東南境鳳皇嶺下熱河自東北來會折南流有白河老牛河柳河車河皆來會又東南經喜峯口之西入邊經遷安縣界有龍井關河自遵化州邊外來會又東南至永平府西北盧龍縣界有青龍河自邊外來會經灤州城東樂亭縣城西分二港一東南入海一南經齊家莊入海 水道提綱灤河源出獨石口外東南山中卽古濡水俗名上邠河亦曰高都河酈注所謂禦夷鎮東南二源雙引夾山元史云出金蓮川中明統

志云雲州堡北六十里發源炭山冰井亂泉合而北流者也西北流又新而東北又東南經熱河

行官禁地界又東南又東北又西南又東南至邊城喜峯口之西入邊經遷安縣西北又東南至永平府城西北又西南經灤州城東又南經樂亭縣城南又東南入于海

桂馥札僕說文濡水出涿郡故安从水需聲人朱切廣韻濡水名出涿郡乃官切通鑑魏主珪北巡至濡源注云乃官反按濡水卽灤水水經注云汙水北入難河濡難聲相近通鑑開元二年薛訥擊契丹行至灤水山峽中爲伏兵所敗卽濡水也隸體需與相溷故有人朱乃官二切又有盧水南入平

水經注盧水出——縣東北沮谿南流謂之大沮水又西南小沮水注之二水合而爲盧水又南與溫水合又南入平水 隋書地理志盧龍縣有盧水 大清一統志青龍河源出口外自桃林口流入經遷安縣東北界又南經盧龍縣西門外爲漆河南合灤河卽古之盧水也 又云按青龍河源出桃林口北二百五十里蒙古哈拉沁界山曰成格勒岱水曰顧沁卽青龍上流也永平府境入灤之水惟此頗大舊志以在遷安者爲青龍河在盧龍者爲漆河遂謂青龍河入漆河不知卽一水也新通志又辨此爲平水非盧水漢志盧水入平似平平大于盧當爲平水然考水經注平水又在盧水之東上云出平溪下卽云經肥如縣東則其源之不遠可知矣大小沮合爲盧水而大沮較長與今龍河沙河水道皆合其爲盧水無疑云入平者或據水之上下言之未必以此分大小也

莽曰肥而

按古而如字通用

賓徒

京東考古錄後漢志遼東屬國——故屬遼西按通鑑晉趙王倫貶吳王宴爲——縣王秦苻堅封慕容垂爲——侯並取此爲名晉書載記作賓都侯都之與徒以音相近而誤而遼史則竟云漢賓從縣此蓋承漢志傳寫之誤而未考後漢晉二書也 方輿紀要遼大定府長安勸農富

庶歸化四縣並在今大寧衛東南皆漢遼西郡——縣地也

莽曰勉武

交黎

應劭曰今昌黎 水經注白狼水又東北逕昌黎縣故城西地理曰——也 通典漢扶黎縣故城在今營州柳城縣東南 方輿紀要棘城縣晉元康四年置在營城故城東南一百七十里漢——縣城也 又云昌黎縣後漢置卽漢——縣亦在營州東南 京東考古錄郡國志遼東屬國領六城其一曰昌遼故天遼屬遼西考前漢遼西無天遼縣縣當作昌黎故——也 水經注釋續志無昌黎

縣晉志以爲魏志魏書三少帝紀正始五年九月鮮卑內附置遼東屬國立昌黎縣以居之今以仲瑗之言考之則東京已有是縣旋廢而魏復立之也 按續志無——縣并無昌黎縣而後書安帝紀鮮卑攻夫黎營奉懷注云夫黎縣名屬遼東屬國鮮卑傳又作扶黎注文同然則前漢名交——後漢名夫黎又改曰昌黎也疑郡國志當作昌黎故夫黎與天字相近因此致訛耳

渝水首受塞外南入海

師古曰渝音喻其下並同 說文渝水在遼西臨渝東出基从水俞聲 明統志渝河在永平府撫寧縣東二十里源出古陽州南流至連峯山入于海 大清一統志渝河

在今永平府撫寧縣東舊志云源出口外經縣東北平臺  
又南經桃兒峪又南合駙馬塞前水亦名獅子河又曰蒲  
泥河出菱茨蒲魚爲民利按漢志及水經注淪水源出白  
狼白狼水卽今口外之老拾河去府界尙遠亦不聞有分  
流明統志謂源出瑞州在今寧遠州東今後地之水惟大  
凌河以之然亦不近府境至舊志所稱獅子河其流又正  
微不足以當古水或疑卽口之石河亦與漢志不合古今  
水道變遷酈道元已不能明所當闕疑

東部都尉治莽曰禽虜

陽樂

後漢書注——故城在平州東 水經注大沮水又南合

——水水出——縣地理風俗記曰——故燕地遼西郡

治秦始皇二十二年置魏土地記曰海陽城西南有——

城 遼史地理志潤州海濱縣遷州遷民縣並漢——縣

地 方輿紀要——城在今永平府灤州東舊志云柳城

東百里卽至——縣是也 大清一統志——故城在今

永平府撫寧縣西後漢爲遼西郡治

狐蘇

唐就水至徒河入海

寰宇記彭盧水一名盧河水卽唐就水也後魏輿地圖風

土記曰水至徒河入海與地平故曰平盧今語訛爲彭盧

按水經注無唐就水

徒河

通典故——縣城在今營州柳城縣 遼史地理志天定  
府神水縣本漢——縣地 寰宇通志——城在廣寧中  
屯衛境內虞舜之時已有此城漢置縣 大清一統志——  
——故城在今錦州府錦縣西北相傳虞舜時已有此城劉  
恕外紀周惠王三十三年齊桓公救燕破屠河即——也

莽曰河福

文成

司馬相如上林賦——顛歌文穎曰——遼西縣名其縣  
人善歌顛即滇字益川滇池縣其人能作西南夷歌 遼  
史地理志中京松山縣本漢——縣地邊松漢商賈會稽

莽曰言虜

臨渝

胡三省通鑑釋文辯誤——以臨渝水而名史炤以為本  
名臨問殊無所據 大清一統志按舊志謂漢——縣唐  
改召城遼始徙深州界有——故城在縣北今考漢——  
縣口無的據 水經注河水西南經河連城疑是——縣  
故城則——當在今口外近錦州西界唐初改置——縣  
後改石城通典寰宇記俱云在平州西北一百四十里不  
在今撫寧界亦不云即漢——縣遼初改置石城在故城  
南五十里未聞自今撫寧徙置也舊志因縣志以獅子河  
為渝河遂謂今縣即漢——又云有渝關城在今縣東二

十里疑卽古縣皆誤

渝水首受白狼東入塞外

水經注白狼水出白狼縣東南北流經白狼山又東北逕昌黎縣故城西又北逕黃龍東又東北出東流分爲二水右水疑卽渝水也西南循山逕一故城世以爲河連城疑是——縣之故城也自塞外南入海其一水東北出塞爲白狼水又東南流至故遼東郡房縣界注于遼水魏土地記曰白狼水下入遼也 初學記魏氏土地記曰狼河在黃龍東北下流卽白狼水 薊門考大寧城北有老花母林番云卽大河也自青山西北流來遶過大寧城南往東北與檜喇毋林合共入遼東三岔河 方輿紀要白狼水

在故白狼縣

大清一統志白狼水卽今口外之羅哈河

亦曰老哈河

一統志稿按水經注所言白狼水道今不

能一一考證但今塞外入遼之水惟老哈河合西喇木倫

河老哈河東北流經右黃龍柳城之北與水經注合蓋水

經注以今老哈河之下流西喇木倫河統謂之白狼水而

西喇木倫之上流別謂之濫真水耳隋唐時白狼之名仍

在至遼金時始有土河自明以來但據方言有老花老哈

之稱實皆古之白狼也 皇朝通志白狼河亦曰狼水曰

土河曰老河源出喀拉沁右翼南東北流經敖漢部西會

翁牛特之英金河經翁牛特左翼南入潢河又東北至札

嚙特界柰曼界及經喀爾喀左翼界經科爾沁左翼境合



大遼河 水道提綱白狼河亦曰狼水亦曰土河又曰老花母林今蒙古稱老哈河卽老河也源出古北口東北故大寧西南今喀喇沁部右翼南之明鞍山源曰察罕河西南流折而西北又折而東北又東北與潢河會又有侯水北入渝

水經注渝水南流東屈與一水會世名之曰槎倫水疑卽地理志所謂侯水也十三州志曰侯水南入渝地理志言蓋自北而南地又西南流注于渝

莽曰馮德

師古曰馮讀曰馮

索

師古曰音力追反 方輿紀要遼置宏政縣爲宜州治在今廣寧後屯衛東北二十五里卽漢遼西郡之一縣也

大清一統志一縣故城在今永平府昌黎縣南當深河入海處 又云今錦州府義州本遼時宜州遼志以爲卽漢一縣地按水經注濡水至一縣碣石山入海文穎曰碣石在遼西一縣并屬臨渝濡水卽今灤河臨渝故渝關也則漢一縣應在今灤州樂亭間當灤河入海處不在宜州也下官水南入海

大清一統志舊志云下官水卽今潮河考潮河一□□家河在今昌黎縣東二十里源出仙臺頂後東南流合飲馬河入海 按水經注無下官水或以爲卽木究水字形相

似而誤未審其確

又有揭石水

禹貢夾右碣石入于河 又太行恆山至于碣石入于海

史記始皇紀三十二年之碣石使燕人盧生求羨門高

誓刻碣石門 又封禪書秦二世元年東巡碣石 本書

武帝紀元封元年夏四月行自泰山復東巡海上至碣石

山海經碣石之山繩水出焉東流注于河 說文碣特

立之石東海有碣石山 文穎曰碣石在遼西一縣一縣

今罷入臨渝此石著海旁 郭璞山海經注碣石在遼西

臨渝縣南水中或云在驪城縣 太康三年地記驪成縣

有碣石山碣然而立在海旁故名秦築長城起縣碣石在

今高麗舊界非此碣石山也 水經碣石山在遼西臨渝

縣南水中注云大禹鑿其石石夾而納河秦始皇漢武帝

皆嘗登之海水西侵歲月逾甚而苞其山故言水中矣又

云漢司空掾王橫言往昔天嘗連北風海水溢西南出侵

數百里故張君云碣石在海中蓋淪于海水也昔燕齊遼

曠分置營州今城屈海濱海水北侵城垂淪者半王橫之

言信而有徵碣石入海非無證矣又云濡水自樂安亭南

與新河故瀆合又東南至一縣碣石山文穎曰碣石在遼

西一縣一縣并屬臨渝地理志曰大碣石山在右北平驪

成縣西南漢武亦嘗登之以望巨海而勒其石于此今枕

海有石如甬道數十里當山頂有大石如柱形往往而見

立于巨海之中潮水大至則隱及潮波退不動不沒不知深淺世名之爲天橋柱也韋昭亦指此爲碣石其山昔在河口海濱敬以誌其入黃河道歷世旣久爲水所漸淪入于海已去岸五百餘里矣 禹貢錐指漢志右北平驪成縣下云大碣石山在縣西南遼西郡一縣下云有碣石水南入官不言有山也及文穎注武紀曰碣石在遼西一縣一縣今罷入臨渝此石著海旁是謂此山爲臨渝海旁之孤石與班固異自穎始水經有魏晉間人所附益故亦云碣石在臨渝後漢志無驪城劉昭補注遂于臨渝言碣石晉省臨渝入肥如故後魏志碣石在肥如省肥如入新昌又改新昌曰盧龍故隋志碣石在盧龍自後漢迄隋言此

山之所在曰一縣曰臨渝曰肥如曰盧龍縣名四變而山則一要皆在今昌黎縣東一縣故城之南也至括地志始云碣石在盧龍縣東二十三里與文穎異唐志及寰宇記則云石城縣有碣石而輿地廣記曰石城故驪城也易祓據之以釋禹貢實亦非是通典平州盧龍縣下云有碣石山碣然而立在海旁仍用文穎說金元以來又皆知昌黎爲一縣而碣石在焉求之海旁不得求之水中又不得乃更求之向北之地故明一統志碣石在昌黎北二十里或又以仙人臺上之巨石爲天橋柱蓋皆依文穎言之然其山去海八九十里殊違夾石入河之義不可從也 又云欲辨碣石之所在莫若以今所謂灤河者證之灤河卽濡

水也漢志遼西肥如縣濡水南入海陽濡讀若難後訛爲  
灤遼因置灤州世遂目其水曰灤河今碣石雖無其迹而  
灤河仍自遷安盧龍灤州至樂亭東南入海與酈注濡水  
入海之道無異則碣石舊在灤口之東可知矣 又云山  
有名同而繫之以大小者驪城之山稱大碣石必有小碣  
石在蓋卽一縣海旁之石矣酈道元旣宗文穎以爲碣石  
在一縣又引驪城大碣石以證之若以其山爲跨兩縣之  
境也者今按濡水從塞外來東南流經樂安亭南東與新  
河故瀆合又東南至一縣碣石山而南入于海樂安亭者  
卽今樂亭縣東北之樂安故城也一縣在其南驪成在其  
西據濡水厯亭南而東又東南至碣石則碣石在亭之東  
南與驪成之大碣石相去闊絕安得連爲一山郭璞注山  
海經曰碣石在臨渝或云驪成在成蓋兩存之愚謂在臨渝  
者爲是也文穎以建安時正班固之碣石猶王橫以王莽  
特正史遷之禹河也 又云史記秦始皇三十二年之碣  
石使燕人盧生求羨門高誓刻碣石門二世元年東行卽  
縣到碣石漢書武帝元封元年東巡海上至碣石此海濱  
之山斗入海者故成帝時賈讓言爲之泐水鑿龍門伊闕  
析底柱破碣石凡山陵當路者蝦之蓋伊闕類龍門夾峙  
兩岸水出其門者也碣石類底柱橫絕中流當河之衝者  
也析之破之不容已矣但此石猶著海旁不知何年苞淪  
于海據水經注酈氏三言碣石淪于海有其故有其時有

其證有其狀鑿鑿可據如此而世或詆爲妄談以自伸其無稽之說不亦慎乎 又云今記索隱引太康地志云樂浪縣遂成縣有碣石山長城所起通典云秦築長城起自碣石在今高麗舊界王伯厚以此爲左碣石其在平州南三十餘里者爲右碣石蓋以經文右字屬下讀予謂經有二荆山不加南北字以別之有二蒙山不加東西字以別之碣石一而已何用目之曰右果爾則道山之文無右字當爲左碣石矣又劉昭注補郡國志言常山九門縣有碣石山按孔疏引鄭說云戰國策碣石山在九門縣蓋別爲揭石不與此同今驗九門無此山也至若燕昭王所築之碣石宮以事騶衍者史記正義云在幽州薊縣三十里寧

臺之東旁近無此山特取爲宮名耳凡言九門薊縣有碣石山者皆妄也 又云碣石冀州山後世有因黃河改道而移之于兗域者元王充云明劉世偉之說也充耘著讀書管見言今合口御河入海處北岸有石聳立狀如小孤山俗呼爲碣石古人嘗鑄銘其上或云此卽古黃河道謂之逆河而自海道入河者碣石少正在右轉屈之間與經文脗合按御河卽衛河亦名永濟渠今河間府青縣南二里有合口鎮爲漳衛合流處其地有中山山巖聳峙懸瀑數十丈俗呼爲高土岡豈卽所謂石山聳立狀如小孤者耶蓋宋時商胡北流合永濟渠至孔寧軍入海故金元之世流爲妄談王氏採入經解無識甚矣世偉陽信入著論

言海豐縣北六十里有馬谷山一名大山高三里周六七里疑卽古之碣石爲河入海處按水經注篤馬河東北經陽信縣故城南又東北入海陽信故城在今海豐縣界縣志云鈞盤河北派經縣西北三十里又東北經馬谷山前入海蓋卽古篤馬河亦名陷河者宋二殷河下流合篤馬河經此山入海非馬□也安得指馬各爲碣石乎鑿空無據或乃賞其新奇而筆之書亦獨何歟 又云近世有郭造卿著碣石叢談以昌黎縣北十里仙人臺當之日臺卽碣石之頂也絕壁萬仞上凌霄漢其臺崇廣頂有巨石爲天橋柱人莫能至夫天橋柱者酈氏明言在海中其又移之平陸那非大愚不至此也 大清一統志碣石在今永

平府昌黎縣

又云碣石水舊志云卽今急流河考急流

河在今昌黎縣西門外一名西沙河源出龍潭水下流至縣西南里許合飲馬河 又云按古言碣石者不一孔安國書傳但云海畔山不詳在河郡縣漢志在驪成縣西南今驪成亦無的所其言在盧龍者後魏隋志括地志通典通考諸說相承一縣已廢入臨渝亦卽文穎之說也水經注宗文穎兼引漢志又採王橫之言以爲淪于海中至濡水注則又曰枕海明統則曰在昌黎西北五十里府志又以爲卽今縣北十里之仙人臺詣說皆言在昌黎境而又不同如此史記索隱別引太康地志云樂浪遂成縣有碣石長城所起劉昭郡國志補注言常山九門縣有碣石王

應麟地志通釋又云在遂成者為左碣石在平州者為右碣石益遠而無據矣今姑詳別之以備參考

賓水

大清一統志賓水即合飲馬河考飲馬河在今昌黎縣南五里源出盧龍縣界谿谷中東流經縣四安山下又東與深江河合流為沙河下流合潮河入海 按水經注無賓

水

皆南入官

按南入官言南入下官水也

莽曰選武

漢書地理志補注卷七十四

常熟 吳卓信 編纂

遼東郡秦置

水經注秦始皇二十二年滅燕置 通典 營州

遼水之東是也秦滅燕置 漢因之 樂浪晉置

平州後 高麗國都其地唐置安東都護府 方輿紀

要 定遼等衛境 地理志稽疑 故秦

郡楚漢之際屬燕國尋分屬 國六月復故高帝六年

置漢仍屬燕國景帝後以邊郡收 段氏說文注今奉天

府遼陽州漢 縣也 按漢 今

盛京奉天府之海城蓋平二縣及遼陽州錦州府凡廣寧

縣皆其地

屬幽州

周禮正義漢光武十三年以——屬青州二十四年還屬

幽州

縣十八

襄平新昌無慮望平房候城遼隊遼陽險瀆居就高顯安

市武次平郭西安平文番汗沓氏

襄平

本書匈奴傳燕築長城自造陽至——師古曰——即遼

東所治也 水經注大遼水入塞屈而西南流逕——縣

故城西遼東郡治此 又云小遼水又西南逕——縣為

淡淵又逕——縣入大梁水 後書袁紹傳注——故城

在今平州盧龍縣西南 遼史地理志廣州漢屬——縣

高麗為當山縣渤海為鉄利郡 又云同州鎮安軍本漢

——縣地渤海為東平寨 又云揚州本漢——縣地渤

海置州 金史地理志咸平府銅山縣本漢——縣

盛京通志相傳今遼陽城西北隅故定遼左右後三衛治

即漢——縣地 大清 統志——故城在今奉天府遼

陽州北

有牧師官

按明洪武十三年于遼陽州城內舊都司治西南建太僕

苑馬二寺永樂七年又于復州北五十里建城置永寧監



猶倣漢制也

莽曰昌平

新昌

後書東夷傳遼東太守蔡諷等追擊于——戰沒 唐書

地理志安東都護府漢——縣也 金史地理志臨溟縣

有——鎮 方輿紀要——城在遼東海州衛東 大清

一統志——故城在今奉天府海城縣東

無慮

夏官職方幽州山鎮曰醫無閭鄭注醫無閭在遼東 爾

雅釋地東方之美者有醫無閭之珣玕琪焉郭注醫無閭

縣名今在遼東 楚詞遠遊夕始臨平於徵閭 淮南地

形訓無作毋 應劭曰慮音閭 師古曰即所謂醫巫閭

後書安帝紀注縣有醫無閭上因以為名 許亢宗奉

使行程錄第二十三程至顯州出諭關巴東行南瀕海而

北限大山盡皆粗惡不毛至此山忽峭拔摩空蒼翠萬仞

乃醫巫閭山也成周之時幽州以醫巫閭山作鎮其遠如

此 方輿紀要——城即今遼東廣寧衛醫無慮山在衛

西五里其山掩抱大重亦謂之大山 大清一統志——

故城即今錦州府廣寧縣治又義州亦漢——縣地醫無

閭山在縣西十里高十餘里周二百四十里舜封十二山

以此山為幽州之鎮隋開皇十四年詔以此山為北鎮自

後因之

西部都尉治

望平

寰宇通志——縣在廣寧衛東北一百五十里 方輿紀

要——城在廣寧衛東北九十里 大清一統志——故

城在今錦州府廣寧縣東北漢置屬遼東郡晉改屬平菟

後廢金復置明初復廢據水經注大遼水自塞外東流直

遼東之——縣西則漢縣在遼河之東故晉初改屬平菟

郡金縣在河西非漢故縣也 又云析木縣故城在今奉

天府海城縣東南四十里遼置屬銅州廣利軍遼志以為

卽漢——縣西屈而西南流逕襄平縣故城西是漢之——

——居襄平之北其地當在今遼陽以北近遼河之上流析

木在海城東南相去轉遠遼志之言非是且遼志既以顯

州之山東縣為漢——縣而又以析木為——亦自相矛

盾矣

大遼水出塞外南至安市

屬本郡

入海

海內東京潦水出衛臯東東南注渤海郭璞注潦音遼遼

水出塞外衛臯山平菟高句驪縣 淮南地形訓遼出砥

石高誘注山名在塞外遼水所出東入海 水經大遼水

出塞外衛臯山東南入塞注云遼水亦言出砥石山自塞

外東流直遼東之——縣西屈而西南流逕襄平縣故城

西又東逕遼隊縣故城西又南小遼水注之又右會白狼水至安市入海 通典大遼水源出靺鞨國西南山南流至安市入海 許亢宗奉使行程錄第二十四程至梁魚務有河名曰遼河南北千餘里東西二百里遼河居其中隋唐征高麗路經由此 遼史地理志遼河出東北山口爲范河西南流爲大口入于海 今水經遼水源出塞外自三萬衛西北入境南流大清河合小清河入焉又南流經鉄嶺瀋陽都司之西境廣寧之東境珠子河從西北來注之渾河合太子河從東北來注之又南至海州衛三岔關入于海約行一千三百五十里 方輿紀要艾河在三萬衛東北源出塞外流經衛東北境黑觜山與土河會土

河在衛北亦自塞外流入至黑觜山合于艾河二河合流謂之遼河卽遼河之上源又有塗河在衛西北亦自塞外流入境南合遼河經衛西又南經鉄嶺衛西瀋陽衛西都司城西又南經海州衛西南又南注于海謂之三岔河當東西往來之衝 盛京通志遼河亦名句驪河今作巨流河源出邊外入塞後經海城縣西與太子河會謂之三岔河入海此河左右卽遼東遼西所由分 大清一統志遼河在奉天府西一百里國語曰老哈卽古句驪河也一作枸柳今名巨流流河有東西二源自邊外合流而南經開原鉄嶺二縣西又南經承德遼陽海城之西又南入海 皇朝通志大遼河亦名向驪河亦名巨流河卽潢河古稱

饒樂水濫真水托紇臣水吐護真水有二源西源出古北口 克騰部界內今蒙古稱曰西喇木倫東北流經巴林南有黑水河自巴林境來會經河嚕科爾沁翁牛特境有白狼水來會東源名黑爾蘇河源出吉林西南邊內西北流有鴉哈河來會又西北流出柳邊經科爾沁境轉西南流將至柳邊而會遂名遼河又東南入 盛京開原縣西有哈達河來會又南經鉄嶺縣西有大清河來會又西南有養息牧河亦名楊椿木河來會又西南至遼陽州有小遼河來會經海城縣有海州河來會又西南入于海行千二百五十里莽曰長說師古曰說讀曰悅

房

水經大遼水又東南過一縣西 大清一統志一縣故城在今錦州府廣寧縣東南按水經大遼水自襄平縣又東南過一縣西考後漢分置遼東屬國別須六城其昌黎賓徒徒河三縣皆舊屬遼西無慮雖屬遼東亦在遼水之西不應一縣獨在遼水之東如果在遼水之東則去遼東郡治甚近且與安市平郭接壤阿以獨析隸屬國耶蓋一與險瀆皆遼水西濱河海之地水經西字乃東字之譌也

候城中都尉治

後書陳禪傳左轉為平菟一一障尉

遼隊

後書東夷傳建光元年句驪王宮子遂成復與遼東鮮卑  
八千餘人攻——水經小遼水西南至——縣入于大  
遼水 水經注大遼水又東逕——縣故城西又南歷縣  
有小遼水共流注之縣在遼水東岸公孫淵遣將軍畢衍  
拒司馬懿于——即是處也 師古曰隊音遂 遼史地  
理志仙鄉縣本漢——縣渤海為永豐縣 寰宇通志—  
—縣在海州衛西六十里 大清一統志——故城在今  
奉天府海城縣西

莽曰順睦

遼陽

大清一統志今奉天府——州治即遼之——府也——

本漢縣屬遼東郡後漢改屬平菟郡晉廢其舊址久湮以  
漢志及水經注考之其地當在今州西北界承德——之  
間梁水渾河交會之處今州乃遼金之——也

大梁水西南至——入遼

水經注大梁水出北塞外西南流注遼水故地理志曰大  
梁水西南至——入遼也司馬懿平遼東斬公孫淵于斯  
水之上 寰宇記大梁水在高句驪國西出塞外西南流  
注于小遼水 遼史地理志東梁河自東山西流與渾河  
合為小口會遼河入于海又名太子河又名大梁水 金  
史地理志東梁河國名兀魯忽必刺 薛延寵金遼志太  
子河一名東梁河又名大梁水源出幹羅山西流五百里

至遼陽城東北五里許折而西南流入渾河合爲小口會  
遼河入于海 今水經太子河一名大梁水源出幹羅山  
西流五百里至都司城東北五里折而西南流至渾河合  
爲小口入于遼河 方輿紀要太子河卽古衍水燕太子  
丹匿于衍水中後人因名爲太子河 大清一統志太子  
河在今奉天府遼陽州北十五里國語曰塔思哈河卽古  
大梁水一名東梁河源出吉林薩穆禪山自葦子峪東入  
邊西南流至州西北合渾河又西至海城縣西北入遼河  
又云舊志以燕子丹逃匿于此因名太子河乾隆四十  
八年  
皇上鑾蹕所經考名正典

指示太子河爲國語塔思哈河也因字音相近訛爲太子  
後人不察遂附會太子丹之事耳 水道提綱太子河卽  
古大梁水源出

興京西南葦子村峪柳邊界曰他哈羅河西南流有諸水  
自東南來會又西南有湯河自東南來會又西流經東京  
城南遼陽州城北又西有沙河自西北來注之又西與輝  
河合

莽曰遼陰

險瀆

應劭曰朝鮮王滿都也縣依水險故曰一一 臣瓚曰王  
險城在樂浪郡浪水之東此自是一一也 徐廣曰昌黎

有——縣 師古曰瓚說是也 遼史地理志集州古碑  
離那地漢屬——縣高麗為霜巖縣渤海置州 方輿紀  
要——城在遼東廣寧衛東南 大清一統志——遼東  
之西境故城在今錦州府廣寧縣東南遼置以集州為漾  
——縣非是

居就

遼史地理志遼陽府鶴野縣本漢——縣地渤海為難山  
縣 方輿紀要——城在今遼東海州衛東北 大清一  
統志——故城在今奉天府遼陽州西南

室偽山室偽水所出北至襄平

屬本郡

入梁

大清一統志湯河在奉天府遼陽州東南五十二里源出  
分水嶺北流入太子河分水嶺疑即漢志之室偽山湯河  
疑即室偽水也 按水經注無室偽水

高顯

安市

水經注大遼水又東過——縣西南入于海注云十三州  
志曰大遼水自塞外西南至——入于海 遼史地理志  
欽州建武軍本漢——縣高麗為——城渤海置州 寰  
宇通志——縣在蓋州衛東北四十里唐太宗征高麗攻  
——城不克引還即此 大清一統志——故城在今奉

天府蓋平縣東北

武次

方輿紀要——城在遼東都司北

東部都尉治

史記朝鮮傳元封二年拜涉河為遼東東部都尉朝鮮襲殺之

莽曰桓次

平郭

新唐書地理志賈耽曰自安都東護府西南至建安城三百里故——縣也 遼史地理遼陽府興遼縣本漢——縣地渤海改為長寧縣 方輿紀要——城在遼東益州

衛南高麗所置建安城即——縣地 大清一統志——

故城在今奉天府蓋平縣南

有鐵官鹽官

續志——縣有鐵 明統志鹽生樹枝上亦有海鹽 大

清一統志奉天府各州縣皆有鐵出鹽 又云舊志云瀋

陽衛東九十里安平山有鐵場百戶所海州梁房口有鹽

場百戶所又蓋州衛西四十里有鹽場百戶所北九十九

里有鐵場百戶所又金州衛西北百七十里有鹽場百戶

所東北三十里有鐵場百戶所皆明置 大清會典

盛京沿海之地皆民自煮鹽市易凡鹽場二十以州縣佐貳官司其場務不樵不機



西安平

後書東夷傳句驪一名貂耳有別種依小水為居因名曰  
 小水貂章懷注引魏氏春秋曰遼東郡——縣北有小  
 水南流入海句驪別種因名之為小水貂 新唐書地理  
 志安東府南至鴨綠江北泊灼城七百里故——縣也  
 遼史地理志上京臨潢府本漢遼東郡之——縣  
 大清一統志——故城在今遼陽州城東吳志孫權遣  
 謝宏陸恂拜句驪王宮為單于恂等到安平口即安平縣  
 海石也

莽曰北安平

文

方輿紀要——城在遼東蓋州衛西後漢改曰汶縣胡氏曰  
 汶城在平郭之西

莽曰受亭

番汗

應劭曰番音盤徐廣曰番音寒反 師古曰汗音寒 方  
 輿紀要漢元封二年置真番郡茂陵書曰郡治霫昭帝時  
 并入樂浪霫縣漢志不載徐廣曰遼東郡有——縣疑即  
 真

沛水出塞外西南入海

按水經注無沛水 說文沛水出遼東——塞外西南入  
 海从水市聲 師古曰沛者普蓋反 按沛水應劭作汗

水當因字形相近而訛

沓氏

說文沓語沓沓也从水从日遼東有沓縣臣鉉等曰語多沓沓若水之流故从水會意 應劭曰沓水也音長答反

師古曰凡言氏者皆謂因之而立名 方輿紀要

城在遼東金州衛東南縣西南臨海渚謂之沓渚三國吳嘉禾二年謀討公孫淵陸瑁曰沓渚至淵道里尙遠蓋泛海至遼沓渚其登涉之所也魏景初三年以遼東縣吏民渡海居齊郡界因置新沓縣于濟南郡卽沓渚之民矣 一統志 故城在今奉天府遼陽州界吳志嘉禾初孫權欲征公孫淵陸瑁諫曰沓渚去淵道里尙遠通志

云沓渚在遼陽漢書遼東郡有 縣也特公孫淵居襄平吳師航海遼東登自沓渚考襄平實鉄嶺故地遼陽西北至承德承德西北至鉄嶺道里數百故云遠矣 按說文徐氏之說則沓本非水名然遼東實有沓水因以氏縣確鑿無疑

漢書地理志補注卷七十五

常熟 吳卓信 編纂

平菟郡武帝元封三年開

後書東夷傳武帝滅朝鮮以沃沮地為——後為夷貊所侵徙郡于高句驪西北更以沃沮為縣屬樂浪東部都尉

尉 應劭曰——故真番 水經注漢武帝元封三年

平右渠置——方輿紀要——漢初為燕地後為

朝鮮所據元封三年平朝鮮置今朝鮮北境地也 地理

志稽疑——乃朝鮮國地非真番郡也 又云——樂

浪乃武帝所開而晉志以為分置誤矣 漢書正誤按武

紀元年三年朝鮮降以其地為樂浪臨屯——真番四郡

臣瓚引茂陵書曰眞番郡治雪縣去長安七千六百四十里視臨屯又遠一千五百十里其地當爲今朝鮮之東境後漢東夷傳昭帝始元五年羅臨屯眞番以併樂浪——復徙居句驪其地悉屬樂浪此志所載——治高句驪縣乃後來所遷西與遼東接境非初置之故地也應氏乃以爲卽故眞番誤矣 按漢——今興京以北及

盛京奉天府之海城蓋平二縣皆其地

高句驪莽曰下句驪

本書王莽傳始建國五年更名高句驪爲下句驪 應劭曰高句驪故朝鮮胡國 漢書正誤按水經注云高句驪

縣故高驪相之國也應氏云朝鮮胡國胡字是相字之訛

屬幽州縣三

高句驪上殷臺西蓋馬

高句驪

逸周書王會解正東高夷嗛羊孔晁注高夷東北夷——

也 應劭曰故句驪胡 後書東夷傳——在遼東

之東千里南與朝鮮濊貊東與沃沮北與扶餘接武帝滅

朝鮮以——爲縣使屬平菟 水經注縣故——胡

之國平菟郡治也 晉書音義句音古侯反驪音離 集

韻高句麗東夷國名古作高句驪 徐兢高麗圖經高麗

之先蓋周武王封箕子胥餘于朝鮮實子姓也歷周秦至

漢高祖十二年燕人衛滿亡命聚黨侵有其地而王之自  
子姓有國八百餘年而爲衛氏衛氏有國八十餘年其後  
有夫餘王得河神女生子名朱蒙自號曰高句驪以高爲  
氏而以高麗爲國漢武帝滅朝鮮以高麗爲縣屬卒菟郡  
又云高麗南隔遼海西距遼水北接契丹舊地東距女  
真又與日本流求聘羅黑水毛水等國犬牙相制惟新羅  
百濟不能自固其圍爲麗人所并今羅州廣州道是也  
大清一統志——故城在今

興京城北漢武帝元封四年開朝鮮地置卒菟郡又置——  
縣爲郡治應劭曰故句驪國魏書漢武初以沃沮城  
爲卒菟郡後爲夷貊所侵徙郡句驪西北後漢公孫度時

皆治——縣吳書卒菟郡在遼東北相去二百里是也  
後廢 又云按漢志縣爲小遼水所發源今

興京北近渾河之源蓋卽漢——縣地——國本在  
縣東去遼東千里漢置縣取其名耳卒菟郡雖初治沃沮  
尋徙句驪漢志可考方輿紀要謂公孫度始改置于遼東  
之北治——縣非是又吳書謂郡去遼東二百里而郡  
國志遼東郡下云雒口東北三千六百里卒菟郡則云四  
千里其實相去四百里也 又云故——國在朝鮮國  
咸興府東北之——城按右朝鮮與——爲二朝鮮  
乃箕子所封漢志樂浪郡朝鮮是也——亦曰高驪漢  
志卒菟郡——是也後漢書——在遼東之東千里

南與朝鮮濊貊東與沃沮北與扶餘接地方二千里多大山深谷人峭而爲居相傳以爲扶餘別種後始并爲一云遼山遼水所出西南至遼隊

屬遼東郡

入大遼水

山海經遼水出白卑東郭璞注塞外口曰平山東遼水所出 水經注小遼水出——縣遼山西南流逕遼陽縣與大梁水會 金史地理志瀋州樂郊縣貴德州奉集縣並有遼河 明統志渾河一名小遼水源出塞外西南流至瀋陽衛入沙河又西南流至都司城南北入太子河 盛京通志今渾河源出長嶺子紬魯窩集曰納魯河西流

會噶桑河河又西南經

興京界內有碩賓河注之又蘇子河自

興京界西北流注之又西南逕

盛京城南至遼陽州西北太子河自東南來會又西合濬河爲三汊河行六百五十五里 大清一統志渾河在今奉天府承德縣南十里國語曰瑚努呼源出邊外自

興京界內流入至遼陽西北會太子河卽古小遼水也

皇朝通志小遼河亦曰渾河源出長白山納魯窩集名納魯河西流入英額門會噶桑河是爲渾河名湖努河又經興京界有碩賓河蘇子河西北流來會經薩爾海城北營盛京城東□□□□南流來會□□南並遼陽州有

塔思哈河來會又西南合大遼河爲三汊河行六百餘里入海 水道提綱小遼水今日渾河有二源東北源出

盛京東北柳條邊英額門外東山之麓名英額河南源出興京東北柳邊內山名蘇子河二流既合又西南流經撫順城南又西南經

盛京城東南又西南至遼陽州西北境太子河自州城北西流來會又于州西境合入遼水又西南入于海 又有南蘇水西北經塞外

遼史地理志蘇州安復軍節度本高麗南蘇興宗置州方輿紀要南蘇城今金州衛治唐顯慶中置南蘇州于此尋沒于渤海遼置蘇州兼置來蘇縣爲州治宋建隆初女

真自其國之蘇州泛海至登州賣馬故道猶存宣和初復由此道遣馬政等通金謀攻遼 大清一統志蘇子河在興京城北半里漢志——縣有南蘇水西水北經塞外疑卽此也 又云南蘇城在

興京界——晉置永和元年燕王皝使慕容恪攻——拔南蘇置戍而還隆安二年慕容盛襲——拔新城南蘇二城開境七百餘里隋大業七年伐高麗分遣段文振出南蘇道唐乾封二年薛仁貴破高麗拔其南蘇木底蒼巖諸城顯慶中置南蘇州於此後廢 又云遼興宗置蘇州安復軍兼置來蘇縣爲州治地理志謂蘇州本高麗南蘇城蘇州卽今之金州也今考漢志——縣有南蘇

高麗置城蓋因此水爲名 水道提綱蘇子河卽河渾之南源也出

興京東北柳邊內山西南流有小水來會又西有馬瀾河來會又西有加里庫河來會又折西而北合英額河水經注無南蘇水

上殷臺

如淳曰台音飴 師古曰台音胎

莽曰下殷

西蓋馬

後書東夷傳東沃沮在高句驪蓋馬大山之東章懷注蓋馬縣屬平菟郡其山在今平壤縣西平壤城卽王險城也

大清一統志蓋馬大山在平壤城西縣因山以名也

又云今奉天府海城蓋平二縣並漢遼東郡縣地遼志云海州本沃沮國地高麗爲沙卑城通志云海城有沙卑城高麗置唐伐高麗程名振攻沙卑夜入其西郭卽此故沃沮地也唐書渤海傳云以沃沮故地爲南京南海府考後漢書東沃沮在高句驪蓋馬大山之東漢之蓋馬卽唐之蓋平城今之蓋平縣也今海城西南至蓋平界八十里是海城正在蓋平東北境矣自此說明則知在漢爲沃沮在高麗爲沙卑在渤海爲南海府在遼爲海州更無疑也

馬訾水

通典馬訾水一名鴨綠江源出靺鞨白山色似鴨頭故名



去遼東五百里經國內城 其國恃此以爲天塹水闊三百步在平壤西北四百五十里遼水東南四百八十里全遼志鴨綠江在遼陽城東五百三十里源出長白山曰夾州城西南流與屯魯江合流艾州與猪婆江同流入于海 今水經鴨綠江源出長白山其山去金故會寧府南六十里其巔有潭周八十里北流爲混同江東流爲河也苦河南流爲鴨綠江去三萬里東北十餘里西南流經遼東都司城東五百六十里大蟲江入焉又西南至安市入海 盛京通志鴨綠江一名益州江或呼鬻江長白山南諸泉南注匯爲大江西南流與佟家江會行五百里繞鳳皇城之東南入于海江之東南爲朝鮮界 大清一統志

鴨綠江在吉林烏喇南九百七十七里源出長白山西南流與朝鮮分界至鳳皇城東南入海卽古馬訾水源出長白山南麓有小白山水東注南流左受朝鮮北境諸水折西北凡長白以西諸水自十二運溝至頭道溝皆來注折東南屈曲流納諸水小佟家江自西來會又屈曲流有愛哈河亦名阿布何合諸水自鳳皇城來會又南流會三派而合經義州西又西有哈連河來會又西南爲鴨綠口入于海 水道提綱鴨綠江卽古馬訾水也源出長白山南麓兩源分道合流而南有小白山水自東來注之又南流左受朝鮮北境數小水折而西流又折而西北口長白以西連山南麓之水自十二道溝至頭道溝皆奔注之水勢

始盛折而西南流有諸水來注之又西流佟家江自西北來會又折而東南有諸水來注之又西南入于海 地理志稽疑馬訾水近謂之鴨綠江新唐書云馬訾水出靺鞨長白山色若鴨頭號鴨綠江隋元萬頃檄文曰不知守鴨綠之險高麗報曰謹聞命矣卽此水也 按水經注無馬訾水

### 西北入鹽難水

新唐書高麗傳鴨綠水西與鹽難水合 盛京通志佟家江源出長白山南分水嶺有三泉自谷中出會爲一西南流受哈爾敏等諸河鴨綠江自東來會南入于海 大清一統志佟家江在吉林烏喇城南八百二里亦名通吉雅

江南流會鴨綠江卽古鹽難水也明統志有大蟲江在都司城東南四百里源出龍鳳山南流入鴨綠江今鳳皇城界內不聞有大蟲江縣卽佟家江也 皇朝通志佟家江亦名通吉雅江卽古鹽難水源出衣小雅哈範山之南西南流有哈兒敏河來會又西南有甲爾圖庫河東會又西南有王清河自王清邊門外來會又西南有拉哈河東南流來會又東南會大沽小沽二水又東南會唐石河入鴨綠江 水道提綱佟家江卽古鹽難水源出衣兒哈雅範山之南三源合而西南流匯諸水又西南流有諸水來注之又東南入鴨綠江 按水經注無鹽難水

### 西南至西安平

屬遼東郡

入海過郡二

按過平菟遼東二郡

行二千一百里莽曰平菟亭

東京通志平菟亭在今蓋平縣

漢書地理志補注卷七十六

常熟 吳卓信 編纂

樂浪郡武帝元封三年開

堯典分命羲仲宅嵎夷 禹貢嵎夷既略 逸周書王會

解良夷在子孔晁注良夷一一之夷也 應劭曰一一

故朝鮮國也 師古曰樂音洛浪音狼 新唐書東夷傳

口新羅弁韓苗裔也居漢一一地 方輿紀要一一亦

朝鮮地元封三年置今朝鮮西境是 又云平安道治平

壤府朝鮮西京也東南去王京五百餘里漢曰一一後

為高麗王所都亦曰長安城一名王險城唐平高麗置安

東郡護府于此後沒于渤海五代時高麗復取之為西京

禹貢雖指漢武所開——卒菟二郡疑皆古嶋夷之地  
在青州之域者嶋夷義仲所宅朝鮮箕子所封不應在外  
化先儒但云青州當越海而有遼東非也 秦漢郡縣考  
按後書東夷傳昭帝始元五年罷臨屯真番以併——卒  
菟臣瓚引茂陵書臨屯郡治東曉縣真番郡治雲縣今雲  
縣無考東曉屬——則臨屯屬——矣 按漢——今

朝鮮地

莽曰樂鮮屬幽州有雲障

史記東夷傳朝鮮有上下障

縣二十五

朝鮮謂邯涓水含資黏蟬遂成增地帶方馳望海冥列口

長岑屯有昭明鏡方提奚渾彌吞列東曉不而蠶台華麗  
邪頭昧前莫夫租

朝鮮

海內北經——在列陽東海北山南列陽屬燕郭注——

今樂浪縣箕子所封也 史記朝鮮傳朝鮮王滿都王險

注云王險城在樂浪郡涓水之東 應劭曰武王封箕子

于——按天文箕子都——於分野為箕星在析津之次

故以氏國云 水經注涓水西流逕故樂浪——縣即樂

浪郡治而西北流 括地志高麗治平壤城本漢樂浪郡

王險城即古——也 史記索隱朝音潮直驕反鮮音仙

以有汕水故名也汕一音訛 高麗圖經高麗自唐以前

蓋居平壤本漢武帝所置樂浪郡而唐高宗所建都護府也。以唐志考之平壤城乃在鴨綠水東南唐末高麗君長懲累世兵革之難稍徙而東今王城在鴨綠水之東南非平壤之舊矣。京東考古錄地志樂浪郡——縣故——國武王封箕子于此其志在今高麗國境內慕容氏於營州之境立——縣魏又于平州之境立——縣但取其名與漢縣相去實千有餘里明統志乃曰——城在永平府境內箕子受封之地則是箕子封于今之永平矣。皇朝通典——古營州 域箕子始封其地漢末改稱高麗明初復今名 大清一統志王險城即平壤城應劭曰箕子故都也 皇朝文獻通考平壤城西北三里有箕子墓小山旁繞前有箕子祠設參奉二人世守其祠即箕子裔水道提綱平壤即舊王險城箕子故都漢置樂浪郡治晉後高麗都此唐拔平壤高麗始平五代王建據高麗始謂之西京

誨邯

後書循吏傳王景樂浪——人入世祖仲本琅邪不其人濟北王興居反欲委兵帥仲仲乃浮海東奔樂浪家于——說文誨多語也从言井聲樂浪有——縣 孟康曰誨音男 師古曰誨音乃耕反邯音酣 劉賢曰誨音諾甘反邯音下甘反

沮水

師古曰沮音普大反 索隱音旁沛反 遼史地理志漢

一一縣高麗改爲句驪縣渤海爲常樂縣 大清一統志

一一漢屬樂浪郡今在朝鮮界內

水西至增地

屬本郡

入海

說文一一出樂浪鏤方東入海从水貝聲一曰出一縣

水經一一出樂浪鏤方縣東南過臨沮縣東入于海注

云十三州志曰一一縣在樂浪東北鏤方縣在郡東蓋出

其縣而南逕鏤方也一一西流經證耳 遼史地理志遼

陽府有泥河卽一一又名蘄字水灤多此草也 方輿紀

要大通江在平壤城東亦曰大同江舊名一一史記秦修

遼東故塞至一一爲界漢初燕人衛滿亡命東走出塞渡

一一居秦故空地上下障稍役屬其眞番朝鮮蠻夷及燕

亡命者王之元封三年荀彘自遼東擊朝鮮破其一上

軍乃至王險城下 大清一統志大通江在平壤城東亦

曰大同江舊名沮水 皇朝文獻通考大同江岸柴樹林

可十里許幹似松葉似榆土人嘗藉以療飢相傳爲箕子

所植 水道提綱沮水今日大同江卽大通江也有南北

二大源南源又有二源北源又有三源合而經平壤城東

折而西經城南折西南流一百三十里曰大同江又會黑

河安岳河又海源流曲折入百里朝鮮國西北之巨川也

按諸史地志俱無臨沮縣未知水經從何得名

莽曰樂鮮亭

含資

魚豢魏略王莽地皇時廉斯鏹誘將降人戶來出詣

縣縣言郡郡以鏹為譯 方輿紀要 城在王京南境

隋大業中伐高麗分軍出 道蓋以漢縣為名也 大

清一統志 城在今朝鮮國城南境

帶水西至帶方

屬本郡

入海

安水經注無帶水

黏蟬

續志作占蟬 服虔曰蟬音提 容齋隨筆樂浪之

為黏提南海之番禺為番禺蒼梧之荔浦為隸浦交趾之

羸樓為連箕皆土俗之別也 大清一統志 城在平

壤西南 桂馥札璞張船山同年云高麗人言漢 縣

蟬讀如提新城王尚書詩河以提入先韻予按漢書注服

虔應劭本音提廣韻提部有磳鵠二字皆從單聲而不收

蟬字此韻家之疏也集韻十二齊有蟬字注云 縣名

在樂浪可補廣韻之闕 方輿紀要 城在平壤西南

遂成

續志作遂城 太康三年地記遂城縣有碣石山長城所

起 晉書地理志遂城秦築長城之所起 通典碣石山  
 在漢樂浪郡——縣長城起于此東截遼水西入高麗遺  
 蹟猶存禹貢右碣石在平州南二十餘里則在高麗中者  
 為左碣石 地理通釋秦築長城起自碣石此在高麗界  
 中漢為樂浪郡——縣地截遼水入高麗亦謂之左碣石  
 一統志——廢縣在平壤南境

增地

方輿紀要——廢縣在平壤南境隋大業中伐高麗分軍  
 出——道即此

莽曰增土

帶方

後書東夷傳質桓之間句驪復犯西安平殺——令 隋  
 書外國傳百濟立國于——故地 方輿紀要——城在  
 平壤南漢末公孫度置——郡于此隋大業中伐高麗分  
 軍出——道即此 按帶水名蓋以水氏縣也

駟望

海冥

遼史地理志興州興中軍本漢——縣地渤海置州

莽曰海桓

列口

本書朝鮮傳樓船將軍楊僕亦望兵至——擅先縱夫亡  
 多蘇林曰——縣名也度海先得之 郭璞山海經注列



水今在帶方帶方有——縣 張晏曰朝鮮有温水列水  
汕水三水合流為—— 方輿紀要——城在王京西南  
一統志——城在今朝鮮國城西南 按此亦以水氏  
縣也胡梅澗通鑑注謂其地當列水入海之口齊次風以  
為非是下吞列縣云分黎山列水所出西至黏蟬入海則  
列水在黏蟬縣可知此非列水入海之口矣

長岑

後書崔駟傳竇憲出擊匈奴駟為主簿憲不能容出為——  
——長遂不之官而歸 遼史地理志崇州隆安軍治崇信  
縣本漢——縣地渤海置州 一統志——縣漢屬樂浪  
郡在今朝鮮界內遼之崇州即其地也崇信廢縣在今奉

天府承德縣東

屯有

昭明

南部都尉治

按樂浪有兩都尉一治——一治不而據本書薛宣傳少  
為不其丞察遷樂浪都尉丞不知何縣也

鏤方

十三州志——縣在樂浪郡東 遼史地理志遼陽府紫  
蒙縣本漢樂浪郡——縣地 方輿紀要紫蒙城在遼東  
都司東

提奚

渾彌

師古曰渾音下昆反

吞列

方輿紀要——城在王京東南列亦作洌 一統志——

城在今朝鮮國城東南

分黎山列水所出

按水經注無列水 方言朝鮮洌水之間

西至黏蟬入海行八百二十里

東隄

本書武帝紀元封三年朝鮮斬其王右渠降以其地為樂浪臨屯平菟真番郡臣瓚引茂陵書臨屯郡治——縣去

長安六千一百三十八百領十五縣 菽文志——今延

年賦七篇 說文隄日行隄隄也从日施聲樂浪有——

縣讀若醜 又魚部鯽魚名皮有文出樂浪——神爵四

年初捕奴輸考工 應劭曰隄音移

不而

三國志東夷傳母邱儉傳並作不而口口口口傳新羅

兼有沃沮——韓濊之地 遼史地理志不耐城古濊貊

所居也

東部都尉治

文獻通考沃沮在高句驪蓋馬大山之東濱大海而居可

千里漢武帝元封三年以沃沮城為四郡後為夷貊所侵

徙郡句驪西北今所謂平菟是也沃沮還屬樂浪後以土地廣遠分置東部都尉治不耐城別置嶺東七縣時沃沮亦皆為縣後漢光武六年省邊郡都尉由此罷其後皆以為縣 一統志——城在今朝鮮國咸興府北 按武帝元朔元年以東夷葦君地置滄海郡三年罷尋置樂浪東部即其地陳壽曰漢武置樂浪郡自單大嶺以西屬樂浪自嶺以東七縣都尉主之皆以濊為民即所謂不耐濊也

蠶台

師古曰台音胎

華麗

後書東夷傳元初五年句驪王宮復與濊貊寇平菟攻——

——城 新——統志今奉天府開原縣南四十里有花露臺

按漢時遼東有——縣所謂花露臺疑即——縣遺址音

訛耳

邪頭昧

孟康曰昧音妹 按說文云鮓魚鮓魚並出葦邪頭國當

即其地蓋是濊貊國名

前莫

夫租

漢書地理志補注卷七十七

常熟 吳卓信 編纂

南海郡秦置

史記始皇紀三十三年略取陸梁地爲桂林象郡南海以  
適遣戍 通典禹貢物產貢賦職方山藪川浸皆不及五  
嶺之外則嶺南之地非九州之境 地理通釋秦置南海  
尉所謂東南一尉也 方輿紀要——秦郡漢初爲南  
越國元鼎初平南越置今廣惠潮三府是其地 按此卽  
高帝紀所謂秦徙中縣之民南方三郡如淳曰秦始皇略  
取強梁地是也 又按漢——今廣東廣州府之南海  
清遠二縣惠州府之博羅龍川二縣潮州府之揭陽縣肇

慶府之四會縣皆其地

秦敗尉佗王此地

史記南越傳秦二世時南海尉任囂欲起兵會病召龍川令趙佗使行尉事秦已破滅佗即擊并桂林象郡自立為南越武王高帝已定天下十一年遣陸賈因立佗為南越王 本書高帝紀十二年立南武侯織為南海王文穎曰高帝五年以象郡桂林南海長沙吳芮為長沙王象郡桂林南海屬尉佗佗未降遙虛奪以封芮耳後佗降漢十一年更立佗為南越王自此王三郡芮惟得長沙桂林零陵耳今復封織為南海王復遙奪佗一郡織未得王之也

武帝元鼎六年開

本書武帝紀元鼎六年春定越地以為——蒼梧鬱林合浦交阯九真日南珠厓儋耳郡 昭帝紀始元五年罷儋耳郡 元帝紀初元三年罷珠厓郡 應劭曰珠厓儋耳二郡在大海中崖岸之邊出真珠故曰珠厓儋耳種大耳渠率自為王者耳尤緩下肩三寸 張晏曰異物志云二郡在海中東西千里南北五百里珠厓言珠若厓矣儋耳之云鑊其頸皮上連耳匡分為數支狀如雞腸累耳下垂 臣瓚曰茂陵書珠厓郡治暉都去長安七千三百一十四里儋耳去長安七千三百六十八里領縣五 師古曰儋音丁甘反字本作瞻暉音審 舊唐書地理志漢武帝元封元年遣使自徐聞南入海得大洲方一千里以為珠

厓儋耳二郡合十六縣 地理志稽疑前志于武帝暫置旋罷之郡不列之目而晉志兼數之然則武帝之暫置而罷者凡七郡南粵之珠厓儋耳西南夷之沈黎汶山東海之蒼海臨屯眞番皆是也何以晉志但載珠厓儋耳沈黎汶山而遺其三妄矣

屬交州

晉書地理志交州按禹貢揚州之域是爲南越之士秦始皇既略定揚越以謫戍卒五十萬人守五嶺自北徂南入越之道必由嶺嶠時有五處故曰五嶺後使任囂趙佗略取陸梁地遂定南越以爲桂林南海象等三郡非三十六郡之限乃置南海尉以典之所謂東南一尉也漢初以嶺

南三郡及長沙豫章封吳芮爲長沙王十一年以南武侯織爲南海王陸賈使還拜趙佗爲越海王割長沙之南三郡以封之武帝元鼎六年討平呂嘉以其地爲南海蒼梧鬱林合浦日南九眞交趾七郡蓋秦時三郡之地置交趾刺史以督之 地理志稽疑按南粵七郡至後漢末始稱交州前此但稱交阯刺史班史安得遽稱交州是必後人妄行竄改者

有圃羞官縣六

番禺博羅中宿龍川四會揭陽

番禺

戰國策奉甲涉河踰漳據番禺則兵必戰于邯鄲之下矣

史記南粵傳任囂謂趙佗曰——負山險阻可以爲國  
又貨殖傳——亦一都會也珠璣犀瑇瑁果布之湊

蜀都賦蒟醬流味于——之鄉 淮南人間訓始皇使尉  
屠睢發卒五十萬爲五軍一軍處——之都 揚雄解嘲

今大漢前——應劭曰——南海郡張晏曰南越王都也

如淳曰——音潘——音愚 海內南經桂林入樹在賁

隅東郭注入樹而成林信其大也賁隅音——今——縣

水經浪水又東至南海——縣西分爲二其一南入于

海其一又東過縣東南入于海注云鬱水分浪水南注浪

水又東別逕——其一水南入者鬱川分派逕四會入海

也其一卽川東別逕——城下漢書所謂浮牂柯下離津

同會——蓋乘斯水而入于越也又東入于海 水經注

交州治中姚文式問云何以名爲——答曰南海郡昔治

在今州城中與——縣連接今入城東南偏有水坑陵城

倚其上聞此縣人名之爲番山縣名——倘謂番山之禺

也一玉篇——普丹切——縣名 師古曰——卽今之廣

州 經典釋文——音婆又音蒲亦音盤 元和縣廣州——

——縣本秦舊縣故城在今縣西南二里縣有——二山

以爲名又州所理南海縣及增城義寧二縣亦——縣地

寰宇記廣州南海縣本漢——縣廢縣在今州南五十

五里州東一百六十里增城縣——縣地 集韻上平聲

三鍾——越地名按此則作容音矣 地輿紀勝番山在

南禺山在北 方輿勝覽番山在南海縣南十餘里禺山  
在——縣卽尉佗葬處 方輿紀要廣州州城始築自越  
人公師禺號曰南武吳越春秋闔閭子孫避越嶺外築南  
武城後楚滅越越王子孫避入始興令師禺修吳故城南  
武是也秦以任囂爲南海尉初居瀧口西岸俗名萬人城  
在今城西二十七里旣乃治番山禺因楚亭之舊其治在  
今城東二百步俗謂之任囂城又相傳南海人高固爲楚  
威王相時有五羊啣穀萃于楚亭遂增築南武城周十里  
號五羊城及趙佗益廣囂所築亦在治東今謂之趙佗城  
漢平南越改築——縣城于郡南六十里爲南海郡治號  
佗故城曰越城後漢建安十五年步騭爲交州刺史以越  
城就圯乃廓番山之北爲——城後又遷州治于此自是  
不改 大清一統志——故城卽今廣州府南海縣治  
尉佗都

如淳曰——尉佗所都 襲淵廣州記——城北有趙佗  
墓 元和志趙佗故城在今南海縣西三十七里墓在南  
海縣東北八里 九域志吳錄云尉佗葬禺山 寰宇通  
志趙佗故城卽今廣州府城西二十七里墓在——縣自  
雞籠山以北連岡接嶺相傳佗墓在焉莫知的處 大清  
一統志趙佗墓在今——縣北

有鹽官

唐書地理志東莞新會並有鹽



傅羅

續志注補——縣有浮山自會稽浮來傅于羅山故置斯縣 宋書州郡志傅羅兩漢皆作博羅晉太康地理志始作傅羅 元和志循州博羅縣本漢舊縣又歸善縣及廣州東莞縣並漢——縣地 又云羅浮山在博羅縣西北二十八里高三百六十丈周三百二十七里舊說浮山從會稽來傅于羅山故漢稱——縣 寰宇記博羅故城在今禎州西北四十五里東接龍川西接增城界 嶺南志羅山之脈來自大庾浮山乃蓬萊之一島來自海中與羅山合故曰羅浮 方輿紀要羅浮山在廣州府增城縣東一百三十里惠州府博羅縣西北五十里袤延五百里高三千六百丈峯巒四百三十有二嶺十五洞壑七十有二谿澗瀑布之屬九百八十二九蓋宇內之名山東粵之重鎮也 大清一統志博羅故城即今惠州府博羅縣治羅水浮水並出羅浮山在縣西

中宿

水經注漆水又西南逕——縣會一里水又西南逕——縣南又南注于鬱 寰宇記清遠縣在今廣州西北水路二百三十里本漢——縣地 方輿勝覽觀亭山一名——峽在清遠縣東三十五里 方輿紀要舊志云清遠縣東十二里有——山三十里有——峽縣以此得名 大清一統志——廢縣在今廣州府清遠縣西北縣志云在

西北六十里池水鄉

有涯浦官

水經涯水南出涯浦關為桂水注云關在——縣涯水出關右合溱水謂之涯口山海經謂之湟水一名桂水出桂陽通四會亦曰濯水也漢武帝元鼎元年伏波將軍路博德出桂陽下湟水即此水矣桂水其別名也 元和志涯浦故關東今真陽縣西南四十五里山谷深阻實禁防之要地 新校地理志涯浦即關湟溪關在今韶州府英德縣西南四十里 按官當作關水經門水南出涯浦關為桂水注云關在——縣說文亦云涯水出桂陽縣盧聚山涯浦關為桂水又元和志及唐書地理志並云廣州滇陽縣西南四十五里有涯浦故關知官字為關字之訛也

龍川

史記南越傳秦時趙佗為南海——令 裴氏廣州記——本博羅縣之東鄉有龍川地而出即穴流泉因以為號 南越志縣北有龍穴山舜時有五色龍乘雲出入此穴 水經注浪水枝津衍注又經博羅縣西界——左思所謂目——而帶坳者也趙佗乘此縣而跨據南越矣 師古曰——縣即今之循州 通典今循州所屬善縣秦漢——縣地有羅浮二山 元和志今循州興寧海豐河源三縣並漢——縣地故城在今河源縣東北水路一百七十五里秦南海尉任囂疾召——今趙佗授之以政即

此處也 舊唐書地理志河源縣循江一名河源水自雩  
都縣界流入一一 寰宇記一一縣有一一江一名泖溪  
自安遠縣流至縣界 地輿紀勝一一故城在今循州治  
西三十步又謂之古趙佗城 方輿紀要一一故城在今  
惠州府河源縣東北一百七十五里其城趙佗爲令時所  
築龍江在今一一縣城南自江西安遠縣西南流經縣城  
東又西南入河源縣界府志云東江源出龍穴山東北流  
三百里會諸水並流而西南出縵繞縣前 又云龍穴山  
在一一縣城 郡國志山有穴潛通海縣以此名卽東江  
之源也 大清一統志一一故城在今惠州府一一縣西  
北龍江卽古浪水枝流也一名循江又曰東江自西江贛  
州府定南縣南流入一一縣境合注西水又西南受雷江  
水又西南入河源縣界會新豐江經縣東而南又南經水  
安縣西百里歷永安博羅二縣界左右受諸水西南經歸  
善縣北受西江水又西經博羅縣南又西入廣州府東莞  
增城二縣界至番禺縣東南之南江頭與西北二江合是  
爲波羅江 皇朝通志東江卽一一水出江西安遠縣南  
山入廣東知平縣境有鶴子水亦自安遠縣來會又東南  
有尋都江自長寧縣來會又西南會和平縣左右諸經溪  
一一縣城東南又經河源縣東北有新豐江自連平州合  
諸水又合長寧縣之羅紋水來會又西南有攬溪自永縣  
來會至惠州府東北有淮水自歸善縣合諸水來會經博

羅縣西南又經東莞縣東北有增城龍川縣水新安縣水並會經東莞縣城北又西經番禺縣東至廣州府城東南有北江支津合從化花縣水來會又西會北江西江為三江口入于海 水道提綱東江即古——水有兩源並出江西安遠縣南山一入廣東和平縣北界一入和平縣東北界其合處曰合水東南流合諸水曰尋都江又南流折而西又西南合和平縣城左右諸溪又南經大壩西曰東龍江又南經——縣城東又西南經縣城南又西南至河源縣東北有新豐江合諸水來會江流大盛又南經河源城東又西南至惠州府城東北折而西北經博羅縣城西南又西至東莞縣東北又西南經番禺縣東又西至廣州府城東南又西經城南北江自北來西江自西來並會是為三江口又南入于海

四會

水經注鬱水南經廣州南海郡西浪水出焉又南逕——浦 元和志今廣州化蒙懷集新會——四縣並漢——縣地 寰宇記——縣在今廣州西北水路二百四十里本漢舊縣——者東有古津水滇江西有建水北有龍江四水俱臻因名 大清一統志——即今肇慶府之——縣

揭揚

韋昭曰揭音其逝反 裴氏廣州記五嶺一名——師

古曰揭音竭 史記索隱揭音桀劉氏音求側反 元和志今潮州所理海陽潮陽程鄉三縣並漢一一縣地 輿地廣記潮州海陽縣漢一一縣地屬南海郡元鼎六年東越王餘善請以卒八千擊南越兵至一一以海風波爲解卽此地也 輿地紀勝一一故城在潮州西七十五里方輿紀要一一故城在今潮州府一一縣西北揭嶺之南漢置縣以揭嶺爲名一一在縣西北一一水出焉 大清一統志一一故城在今潮州府一一縣西一一山在縣西北一百五十里一名揭嶺 皇朝通志一一水亦曰槩江出永安縣東東南流經普寧縣西北有一一山水來會又東有鯉湖溪來會經一一縣南分二派一支至潮州府治西南又分二派皆入于汀水正支南流有惠來縣水來會至潮陽縣北入于海 水道提綱龍川縣東南有天柱山之北爲一一山連峯相接爲五嶺極東南之委一一水出一一山下東流數十里至縣西北而分又東南復分又東南經縣城又北分又東南合槩江其所分諸支水亦入槩江槩江出水安縣東紫廉山其源亦一一水也槩江既會一一水又東過一一縣南又東南會韓江卽澄海縣西北境也又東南流爲大港至潮陽縣北入海

莽曰南海亭

禹貢錐指南海者漲海也秦置南海郡治番禺其下縣一一王莽改曰南海亭蓋南海自此始韓愈潮州謝表云州

南近界漲海連天是也謝承後漢書交阻七郡貢獻皆從漲海出入南史扶南國東界卽大漲海海中有大洲洲上有諸薄骨是東起——西訖林邑扶南東西相距六七千里並稱漲海卽禹貢所謂南海者也

漢書地理志補注卷七十八

常熟 吳卓信 編纂

鬱林郡

說文鬱芳草也遠方鬱人所貢今——也從臼缶口鬱  
彡其飾也 水經注地理風俗記曰周禮——人掌禱器凡  
祭醮賓客之禱事和——鬯以實樽彝——芳草也百草之華  
煮以合釀黑黍以降神者也或說今——金香是也一曰——  
人所貢因氏郡矣 寰宇記——州平琴州黨州並漢——  
——地 輿地紀勝————城卽吳陸績爲太守時所築  
方輿紀要————今廣西潯州柳州南寧等府及梧州  
府之————是其境 按漢————今廣西柳州府之馬

平柳城二縣及象州潯州府之桂平貴二縣南寧府之橫州思恩府之賓州太平府之崇德縣皆其地

故秦桂林郡屬尉佗武帝元鼎六年開更名

賈誼過秦論取百越以為桂林象郡 史記始皇記三

十三年置桂林郡 本書昭帝紀元鳳五年秋罷象郡分

屬一一牂河 韋昭曰桂林今一一也 舊唐書地理志

江源多桂不生雜木故秦時立為桂林郡

有小豁川水七并行三千一百一十里莽曰鬱平屬交州縣

十二

布山安廣阿林廣鬱中留桂林潭中臨塵定州增食領方

雍雞

布山

水經注牂柯水又東逕一一縣北鬱林郡治也吳陸績曰

從今以後六十年車同軌書同文至太康元年晉果平吳

通今潯州所理桂平縣及大賓縣又龔州大同縣並漢一

一縣地 方輿紀要一一廢縣在今潯州府桂平縣西五

十里 大清一統志一一廢縣在今潯州府貴縣南

安廣

寰宇記寧浦郡寧浦縣本漢一一縣地宋永初志寧浦郡

有一一縣後省南齊復置為寧浦郡治梁陳時省唐復置

後屬南漢國朝屬廣南西路 大清一統志一一廢縣在

今南寧府橫州境

阿林

水經注牂柯水又東入——縣潭水注之潭水逕中留縣  
 東——縣西入鬱鬱水自——縣東逕猛陵縣 通典今  
 潯州宣化縣漢——縣地 寰宇記——廢縣在廢繡州  
 東北五十里 方輿紀要——廢縣在今潯州府東 大  
 清一統志——廢縣在今潯州桂平縣東

廣鬱

通典今貴州所管鬱平懷澤義山潮水四縣並漢——縣  
 地又橫州寧浦縣亦——地 輿地廣記開寶四年改貴  
 州鬱平縣為鬱林縣即漢——縣地谷永為太守降烏濟  
 十萬人置七縣即此地也 大清一統志漢——縣即今

潯州府貴縣

鬱水首受夜即豚水東至四會  
 屬南海郡

入海

海內東經鬱水出象郡而西南注南海 海內南經伯慮  
 國離耳國雕題國北胸國皆在鬱水南 水經溫水出夜  
 即縣東至——為鬱水注云鬱水即豚水也 水經注牂  
 柯水逕鬱林——縣為鬱水又東北逕領方縣北又東逕  
 布山縣北又逕中留縣南與溫水合又東入阿林縣潭水  
 注之診其川流更無殊津正是橋溫亂流故兼通稱也  
 元和志鬱江水俗名蠻水南去鬱林縣十五步 寰宇記



鬱江源從左右江入鬱水流百里入南寧府城又一百四十二里入蠻橫貴龔等州 明統志左江源出廣源州右江源出峩利州至合江鎮合爲一江流入橫州號爲鬱江 大清一統志鬱江卽古鬱水在廣西南寧府城西南上流爲左右二江右江自思恩府上林土縣流經果化歸德二土州隆安宣化二縣界左江自太平府左州流經新寧州至宣化縣與右江合又東經永淳縣橫州入潯州府界經貴縣南又東經府城南至城東與黔江合又東經平南縣南名龔江又東入梧州府界經藤縣北名藤江又東經府城西南隅與桂江合名大江又東入廣東肇慶府封川縣界名西江經封川縣西靈洲合賀江名錦水環城西十餘里稍南復折而東入德慶州名大江經州南與西寧縣分界又東入肇慶府高要縣曰端溪經縣東入廣州府界經三水縣南又南經南海縣西南又南經新會縣西南又南入海 皇朝通志左右二江合爲鬱江經南寧府西南有伶俐水自崑崙關來會經永淳縣西北又經橫州西南有橫濠江洪流江自廣東境來會經興業縣西北有武思江自貴縣來會經貴縣西南又東有橫眉江自鬱林州來會至潯州府治桂平縣西南又東黔江支津來會又東北黔江正派來會黔鬱二江旣會于潯州府曰潯江又東會桂江于梧州府入廣東界經封川縣西北又經西寧縣北有武倉水自羅定州來會經德慶州南有端山水來會又

南有連州河亦自羅定州來會經東安縣北至肇慶府治  
高要縣西南有羅銀水合新興州水來會又東北有賀江  
自連山縣合陽山水經賀縣富川縣開建縣合東安縣水  
經懷集縣廣寧縣四會縣合諸水來會稍東分二派一東  
流會湏江之支津經三水縣南至廣州府西一東南流經  
高明縣東北又分支津二于新會縣東北順德縣南先入  
于海正派東北流至廣州府西南會東派匯為巨澤湏江  
及東江龍川水並來會又南至大通灣入于海 水道提  
綱黔鬱二江既會于潯州府曰潯江又東會北來之桂江  
于梧州府東流入廣東界總曰西江經封川縣西北又折  
東南曰錦江又經西寧縣北德慶州城南東安縣北高要

縣西南肇慶府城南高明縣東北廣州府西南入于海

按酈道元謂鬱水即夜即豚水據本志鬱林郡——縣鬱  
水首受夜即豚水又牂柯郡夜郎縣豚水東至——入鬱  
然則鬱水非即豚水矣顧宛溪云漢志牂柯郡鐘封縣温  
水出夜郎縣豚水出俱東至——入鬱鐘封在今遵義府  
東境夜郎今遵義府桐梓縣則謂鬱水即豚水者誤也

過郡四

方輿紀要過鬱林蒼梧合浦南海四郡 新校地理志夜  
郎豚水過牂柯郡鬱水過鬱林蒼梧南海三郡

行四千三十里

中留

說文溜水出鬱林郡从水留聲 水經注牂柯水又逕一  
縣南與温水合 又云漢水于槃頭郡又云鬱水右則  
溜水注之水南出布山縣下逕一一縣入潭 師古曰留  
音力救反水名 通典今象州所領武化陽壽武仙三縣  
並漢中溜縣地 元和志今嚴州所管循德來賓二縣又  
象州郭下壽陽縣並漢中溜縣地 大清一統志中溜廢  
縣在今潯州府武宣縣西南 按留溜古通用蓋以水氏  
縣也

桂林

唐書地理志蠻州永定縣故秦一一縣地 輿地廣記漢  
改秦之桂林郡爲鬱林郡孫皓又分立桂林郡時謂一一  
縣爲小桂陶侃執交州叛將劉沈于小桂是也 輿地紀  
勝舊圖經云唐乾封二年廢一一縣併入武仙縣 方輿  
紀要漢一一縣在今象州東南

潭中

水經周水又東北至一一縣注于潭 又云浪水南至一  
縣與鄰水合注云水出無陽縣俗謂之移溪 水經注  
潭出武陵鍾成縣至山東流逕鬱林桂林縣周水自西南  
來注之 師古曰潭音大含反 通典今柳州所領馬平  
龍城象縣洛封洛容五縣並漢一一縣地 寰宇記今桂  
州慕化縣衆州武化縣融州融水武陽二縣並漢一一縣  
地 大清一統志一一廢縣在今柳州府馬平縣東南駕

鶴山間 按潭卽武陵潭成縣之鍾水也亦以水氏縣

莽曰中潭

臨塵

本書高帝紀注臣瓚曰茂陵書象郡治——去長安萬七千五百里

朱涯水入領方

水經注朱厓水出——縣東北流驩水注之又東北逕——

——縣東入領方縣流注鬱水

又有斤員水

宋祁曰員邵本作南水經注亦作南

又有侵離水

水經注侵離水出廣州晉興郡行至——入鬱

行七百里

水經注斤南水侵離水並逕——東入領方縣流注鬱水

莽曰監塵

定周水首受無斂

屬牂柯郡

東入潭

水經注存水又東逕鬱林——縣爲周水蓋水變名也又

東北與毋斂水合卽剛水也至潭中入潭 元和志龍溪

經——南入潭水 大清一統志龍江在柳州府柳城縣

西南源出慶遠府天河縣與融水會合流至縣西合于潭

江卽古周水也

行七百九十里

增食

水經注溫水又東逕——縣有文象水注之 元和志今

邕州朗寧縣本漢——縣地南至邕州二百八十里

驩水首受牂柯東界入朱涯水

水經注驩水源上承牂柯水東逕——縣而下注朱厓水

舊唐書地理志驩水本牂柯河俗呼鬱林江卽駱越水

一名溫水蓋皆鬱江之異名也

行五百七十里

領方

水經注牂柯水又東北逕——縣北 元和志今邕州宣

化武寧晉興三縣賓州——瑯琊二縣澄州上林無虞止

戈三縣蠻州定永武羅靈竹三縣並漢——縣地 寰宇

記今賓州所理——縣澄州所理上林縣邕州所理宣化

縣並漢鬱林郡之——縣 方輿勝覽——山在今賓州

上林縣南四里 方輿紀要——廢縣卽今賓州治——

山在城東一里縣以此名 大清一統志——故城在今

思恩府賓州西——山在州南三十五里古郡縣皆以此

名

斤員水入鬱

水經溫水又東逕——縣東與斤南水合東北入于鬱

按斤南卽本志之斤員宋景文以爲當作斤南者也水經又別稱斤江又稱員水並此水也

又有壻水

師古曰壻音橋 地理志稽疑據水經注是川南有

橋水然誤也當從漢志 按壻水從土不從木師古曰壻

音橋可知非卽橋水也水經注混而一之誤矣

都尉治

輿地紀勝賓州漢鬱林郡之一縣都尉治所也

雍雜有關

大清一統志今太平府崇書縣本漢臨塵一等縣地

漢書地理志補注卷七十九

常熟 吳卓信 編纂

蒼梧郡武帝元鼎六年開

淮南子有浯高誘注一一也浯梧字之別 後書安帝紀

注一一今梧州一一縣也 又鄧暉傳注一一山名也

山海經曰南方一一之邱一一之川其中有九疑山焉舜

之所葬也在今永州唐興縣東南 隋書地理志一一爲

郡南極水陸之衝也 方輿勝覽以一一爲名郡始于漢

武然不知何所本檀弓云舜葬一一之野傳以爲南越地

殆以此也 方輿紀要一一秦桂林郡地後屬南越元

鼎六年置今梧州平樂二府及廣東肇慶府之境是其地

地理志稽疑——故秦桂林郡後爲——國屬尉佗武帝元鼎六年開 按漢——今廣西梧州府之——縣平樂府之富川賀荔浦三縣又廣東肇慶府之高要縣及德慶州又湖南永州府之永明江華二縣皆其地

莽曰新廣屬交州有離水關

李尤函谷關賦其南則有蒼梧荔浦離水謝沐涯浦零中注云蒼梧以下六關在南 水經注離水之上有關 方輿紀要離水關在梧州府——縣西南今湮

縣十

廣信謝沐高要封陽臨賀端谿馮乘富川荔浦猛陵

廣信

水經注鬱水又東逕蒼梧——縣離水注之又東封水注之 又云臨水又西南流入——縣注于鬱水 寰宇記今封州郭下封川縣及梧州郭下蒼梧縣又戎城縣並卽漢蒼梧郡之——縣 大清一統志——故城卽今梧州府附郭蒼梧縣 按水經注引交廣春秋云交阯刺史治羸陵元封五年移治蒼梧之——是前漢刺史治所之可考者

莽曰廣信亭

謝沐

水經注封水出馮乘縣西——縣東 又云平樂谿水出——縣南歷山西北流逕——縣西南注于離水 方輿

紀要——廢縣在今德慶州開建縣北 大清一統志——  
廢縣在今永州府永明縣西南舊志云縣西南二十五  
里有——鄉 又云沐水在縣西南三里西流入廣西恭  
城縣界卽古平樂水也

有關

見李尤函谷關賦 大清一統志鎮峽關在今永州府永  
明縣西六十里漢志——有關卽此

高要

晉書地道記——縣東去郡五百里刺史夏避毒徙縣水  
居也 水經浪水又東至——縣爲大水 水經注鬱水  
又東逕——縣牢水注之牢水自臨允縣北流逕——縣

入鬱水 通典今端州所理——平興二縣前漢——縣

地 寰宇記端州——縣漢舊縣 南越志零羊峽 名

——峽山高百丈江廣一里華翠之樹四時葱蒨 寰宇

通志——縣本漢舊縣以地當西江入廣之要口故名

名勝志高峽山在肇慶府東三十里高百餘仞周十里與

爛柯山對峙江流至此夾東而出一名——峽漢以此名

縣 大清一統志——故城卽今肇慶府附郭——縣治

有鹽官

肇慶府志今陽江縣有鹽場

封陽

應劭曰在封水之陽 海內南經今交州封谿出狴狴土



俗人說云狀如豚而腹如狗聲如小兒啼 水經注臨水  
又西南逕——縣東爲封谿水又西南流入廣信縣南流  
注于鬱水謂之封谿水口 元和志今賀州——縣本漢  
舊縣 又封州開建縣亦漢——縣地臨賀水一名封谿  
水經開建縣西去縣十五里又在封川縣北十五里亦名  
賀江 寰宇紀蒼梧郡——縣南齊改爲潯安唐改爲潯  
水今併入廣州懷集縣其廢——縣在今賀州南一百四  
十里 方輿勝覽封谿源出賀州馮乘縣合封口入大江  
方輿紀要——廢縣在今平樂府賀縣東南百里 大  
清一統志——廢縣在今平樂府賀縣南縣志云今有信  
都鎮在縣南百里即——墟也封谿水一名開江自賀縣

流入肇慶府經開建縣西又南經封川縣西十里入西江  
臨賀

裴氏廣州記五嶺一名——自九嶷而南崇山峻嶺高排  
霄漢綿亘數百里山清水秀皆——境也 水經注封水  
出馮乘縣西謝沐縣東界牛屯山亦謂之臨水東南流逕  
萌渚嶠西又東南逕——縣東左合賀水賀水出與安縣  
西北逕羅山東南流逕興安縣又西南流至——郡東右  
注臨水合二水之會故縣取名焉 通典今賀州——桂  
嶺二縣並漢——縣地又富州所理龍平開江思勤三縣  
亦——縣地 元和志今賀州即漢蒼梧郡之——縣也  
臨水東去縣十步又有賀水合流更名——水 寰宇記

賀州——縣本漢縣因邑內臨水賀水爲縣名也又富州  
龍平縣亦——縣地臨水源出馮乘縣西北靈山下南流  
至——縣界 九域志賀州——縣有——山——水

方輿紀要賀江在今賀縣城東源出富川縣界石龍山東  
南流經城東合臨水臨水在賀縣東南一里源出賀嶺南  
流至此合于賀江——之名以此 大清一統志——故

城卽今平樂府賀縣治臨水在賀縣東南自縣東北流合  
賀江本古賀水也賀江自富川縣發源南流逕縣東又南  
至賀縣東與臨水合又南入廣東開建縣界古臨水也

水道提綱賀江有二源西北源出連山縣東南源出陽山  
縣旣合而西南流折西北入廣西界至賀縣城東有臨水

自東來注之又西南折而東南入廣東界經開建縣北會  
東安水東北流又入廣西界至懷集縣西南又東南又入  
廣東界經廣寧縣西北四會縣西南三水縣西南與西江  
會源流曲折行一千三百餘里 按水經注臨水大于賀

水其發源之馮乘縣與經流之萌渚嶠並在今富川縣界  
而賀水別出興安在今賀縣東北界元和志寰宇記皆與  
水經注合是今賀水之實爲臨水臨水之當爲賀水無疑  
自明統志以出富川者爲賀水出桂嶺者爲臨水諸志從  
之其名遂舛明統志又云富江在富川縣東源出靈亭鄉  
桃母巖則又誤以臨水爲賀水矣

莽曰大賀

端谿

隋書地理志——縣有端水 舊唐書地理志端山下有

谿 通典今寶州所領信義懷德渾峩特亮四縣並漢——

縣地 元和志今康州所管——悅城都城晉康四縣

並漢——縣地端山在縣北一十五里 寰宇記今康州

——縣本漢舊縣縣有端山又瀧水縣在康州東北一百

八十里亦漢——地又寶州所理信宜縣亦——地 九

域志吳錄云——縣有端山山產五色石石上多香草俗

呼為香山 方輿紀要爛柯山在肇慶府東南四十六里

亦名端山高數百仞周五十里江水經此謂之端溪隔溪

有二巖石可為硯 大清一統志——廢縣即今肇慶府

德慶州治端山在州東北端谿水在州東

馮乘

水經注馮水出——縣東北馮岡帶約東眾流渾成一川

西北逕營道縣而右會營水 元和志今道州江華縣本

漢——縣地故城在縣南七十里界內有馮谿因以為名

寰宇記廢——縣在今賀州北一百二十里 名勝志

臨賀嶺一名萌渚嶠五嶺之第四嶺也廢——縣在焉

大清一統志——故城在今湖南永州府江華縣西南六

十里廣西平樂府富川縣東北七十里馮水在縣東南

富川

水經注靈谿水出——縣北符靈岡南流逕其縣東又南

注于灘水 元和志今昭州所管平樂茶城永平三縣並  
 漢——縣地 又云靈溪水亦名富水去——縣西二里  
 入——水南流經龍平縣南入灘水 寰宇記——縣在  
 今賀州西北一百里漢舊縣也縣有富水因以為名富水  
 在縣西四十里其水灌注田疇居人豐贍因名富水 方  
 輿紀要——故城在今——縣西南鍾山下舊志云漢元  
 鼎四年析臨賀鍾山地置富江在縣東源出縣北四十里  
 之桃母巖一名靈溪水南流合于賀水縣以此名 大清  
 一統志——故城在今平樂府——縣西南富江在縣西  
 又南經昭平縣東北謂之思勤江即古靈溪水也

荔浦

師古曰荔音隸 水經灘水南過蒼梧——縣 水經注  
 瀨水出——縣西北魯山之東逕其縣西與濡水合又東  
 注于灘 元和志今桂川——縣本漢舊縣因荔水為名  
 又建陵永豐二縣又蒙州所管立山正義東區三縣並——  
 縣地 又云荔江水在——縣南一里 寰宇記——  
 縣在今桂州南二百四十里本漢舊縣在荔江之北蓋以  
 江為縣名也又修仁豐水二縣及昭州所理平樂縣蒙州  
 所理立山縣並漢——縣地 又云荔江源出崇仁縣西  
 北荔山其山多桂無雜木 文獻通考自——以北為楚  
 以南為越今靜江有中州清淑之氣——相去纔百餘里  
 遂入瘴鄉是天所以限楚越也 方輿紀要荔水在今平

樂府西四十里源出廢理定縣流入修仁縣經一一縣又  
 東北流入平樂縣界一一江口入于灘 大清一統志一  
 一故城在今平樂府一一縣治西荔江自桂林府永福縣  
 流經修仁縣北又東經一一縣南又東至平樂縣西南合  
 灘江即古瀨水也 水道提綱荔水出一一縣東南與永  
 安縣界銀山之北通天嶺東北天門山之東北流折而西  
 北至縣東北境又折而西南至縣城東有修江自城南而  
 東北來會又北流折而東北經古羅山南馬鬃山北又東  
 入灘江

有荔平關

元和志一一縣南有荔平關久廢 方輿紀要鑛鄒山在

今一一縣北四十里險峻如刃昔時置關其上土人謂之  
 界牌峽或以為即漢之荔平關 唐書地理志馮乘縣縣  
 有荔平關

猛陵

水經浪水又東至蒼梧一一縣為鬱溪注云鬱水自鬱林  
 郡之阿林縣東逕一一縣縣在廣信之西南浪水于縣左  
 合鬱溪亂流逕廣信縣 水經注潭水又東逕一一縣浪  
 水注之 元和志今龔州平南武林隋建三縣又富州開  
 江縣並漢一一縣地 寰宇記今南儀州所理岑溪縣即  
 漢蒼梧郡之一一縣又藤州鍾津縣龔州平南縣並漢一  
 一縣地又梧州北九十里亦漢一一縣地蕭銑僭號于此

改置孟陵縣 大清一統志——廢縣在今梧州府蒼梧縣西北

龍山合水所出南至布山

屬鬱林郡

入海

按水經注無合水

莽曰猛陸

卷一